

Yolchou yolda garak

یولچو یولدا گاراک

شورین

هاشم تیرلان

یولچو یولدا گرک

هاشم ترلان

اشکیر

ترن

کتابین ایچینده کیلر

۵	سوسماق بیلمه‌ین شاعر
۱۱	من آذری اوغلورام
۱۳	دو نیا منه کیچیک گلیر
۱۵	دئدین - دئدیم
۱۶	دیلمی قایتارین منه
۱۸	میشوو داغی
۲۱	گؤیرچین
۲۴	آغلاما اردیل
۲۶	باکیلی یام من
۲۸	زaman و زمانه
۳۰	سؤکون چپرلری، چاپین داغلاری
۳۲	قاراباغ مارشی
۳۴	کهنه و تازا ایزلریم
۳۶	بولاق باشیندا گؤروش
۳۸	سن اولماسایدین
۴۰	قارغانین حکایه‌سی
۴۵	یولچو یولدا گرک
۴۸	تاریخ یارادان قهرمان
۵۰	فرقه‌میز
۵۳	عرب قانی
۵۶	آلتی قارداش
۵۸	وطن جمعیتی
۶۱	باهار گلیر
۶۳	گلمیشم
۶۵	شاپور بختیارا

ترلان هاشم

یولچو یولدا گرک/ هاشم ترلان /- تهران: مینا، ۱۳۷۹

۱۲۴ص: (معاصر آذربایجان شعرنیدن نمونه لر، ۴)

ISBN: 964-6475-27-2

فهرست نویسی براساس اطلاعات فیبا.

۱. شعر ترکی — ایران — قرن ۱۴. الف عنوان

۸۹۲/۳۶۱۱

PL ۳۱۲/ت ۱۹

ی ۵۱۹ ت

۱۳۷۹

۱۳۷۹

۱۳۴۳۹-۷۹ م

کتابخانه‌ی ملی ایران



یولچو یولدا گرک

هاشم ترلان

مدیر هنری و ناظر چاپ:
شروین پاشایی

طراح جلد و صفحات:
h_shervin@yahoo.com
شروین پاشایی
به همراه آرش بهجو

حروف چینی: سمانه

لیتوگرافی: نقش آفرین

Tel: (+9821) 6480744

URL: www.minabooks.com

E-Mail: info@minabooks.com

ISBN: 964-6475-27-2

این کتاب در بهار یک هزار و سیصد و هشتاد و سه خورشیدی به تعداد ۱۰۰۰ نسخه
در چاپخانه‌ی بهارستان به طبع رسید.

سوسماق بیلمه یین شاعر

هر بیر بدیعی اثری آراشدیرماق اوچون اونداکی فورما و مضموندا
علاوه یارادیجیلیق مئتودونو، ژانرینی و فردی ایفاده طرزینی ده
معین لشدیرمک لازیمدیر. البته بونو دا قئید ائتملی ییک کی، عمومیته
ایرانیمیزدا و خصوصیه آذربایجاندا تنقید ادبیاتی نین اولما ماسی بو ایشی
اولدوقجا چتینلشدیریر. داهای دوغروسو اولکه میزده بئله بیر یانلیش تصوّر
واردیر کی، گویا هر بیر صنعتکار، او جمله دن یازیچی و شاعر لر
ایستدی کله ری مئتودا یازیب یارادا بیلر. بو، البته چوخ تهلوکله لی و صنعت
ضدّ بیر فیکیر دیر. تصادفی دئییلدیر کی، صنعتکارلیق با جاریغی
باخیمیندان زنگین اولدوغوموزا باخمایاراق هله نجه دئیر لر «بوشقابا
قویمالی» صنعت اثریمیز اولدوقجا آزدیر.

معلوم اولدوغو کیمی انسان اؤز یارادیجیلیق دؤورونده اوزون یوللار
کئچمیش و مختلف مرحله لر دن سوووشموشدور. سیمبولیزمه،
رومانتیزمه، فورمالیزمه، مدرنیزمه، سون زامانلاردا ایسه
پوست مدرنیزمه اوغرایاراق بؤیوک زیانلار چکمیشدیر. جسارتله دئمک
اولار کی، خالقین توکتمز یارادیجیلیق خزینه سی، فولکلور اولماسایدی،
دوغرو یولو تاپماق بلکه ده غیر ممکن اولاجاقدی. باشقا سؤزله دئسک
خالق کوتله سینده آرخالنماق گونش کیمی پارالایان و دوغرو یولو گؤسترن
بیر چیراقدان یارالانماق دئمک دیر.

۶۷	صمد دیریدیر
۶۹	اوچایلرسن
۷۱	یازیم اولماسا
۷۳	مشروطه سرکرده‌لری
۸۲	سنگریمیز وار...
۸۵	آزادلیق هئیکلی
۸۸	دوئیا
۹۰	سلیمان گل!
۹۳	اوزانان یوللار
۹۴	قرانادا
۹۷	خوزستانلی پارتیزان
۹۹	ای کارگر ایره‌لی
۱۰۱	یالانچی پهلوان
۱۰۳	ترلنین هایى
۱۰۶	قارا قوزغون
۱۰۸	رئشقان گلیر
۱۱۰	تهرانین اولدوزلاری
۱۱۴	یثرله آیین ایلک گؤروشو
۱۱۸	بیر مای گونو
۱۲۱	اوجالانلار
۱۲۹	ساحیلیمیم منیم
۱۳۰	شعیرده تزه‌لیک و کهنه‌لیک
۱۳۳	آلدا اتمادینمی؟
۱۳۴	چینار و توفان
۱۳۶	انقلابی درک ائدک
۱۳۸	هاییل تهراندا
۱۴۰	پرئزیدئنٔ اجلاسدا
۱۴۲	آذربایجان انجمنینه
۱۴۴	قوزولاریم

دوداق دانىشارسا اود توتار، يانار،
گركدير زخمه لر، اللر سؤيله سين.

ايندى ايسه بويولون يولچوسو هاشم ترلاندير. اوزوم دئميشكن
«هشيم» عمنين ياراديجيليغيندا ايستر تنقيدى، ايستر سه ده آلكيش
رئاليزمى نين جانلى نمونه لرينه تئز - تئز راست گلمك اولور. هاشم معلمين
رئاليزمى قورو ناتوراليست مئبيللى اثرلردن تاماميله فرقلنهرك هر جور
خوليا لاردان، روماتييزم و پوست مدئرنيزم خسته ليكلريندن اوزاق، بشرى
حسلرله دولو، اميد دوغوران و انسان ذؤوقونو اوخشايلان رئاليزمدير:

قارتالين وقارى اؤز گؤركمينده،

اوجالار، اوجالار داغدا جان وئر.

هاشم ترلان رئاليزمه تاماميله صادق قالماقلا عينى حالدا يئرى
گلديكده خيال يئلكه نينى آچير و اؤز روماتييكاسينى دالغالانديرير. او،
باهار گلير شعرينده دئير:

گونش قالخيب دان يئرینه

شانه چكير تشلرینه

انسان باخير حيران اولور

طبيعتين سحرينه.

شاعرين روماتييكاسى اؤزونه مخصوص بديعى ايفاده لرله ائله زنگين،
ائله دولغون و معناليدير كى، اوخوجو مجبوراً و اؤزوندن آسيلى
اولمايaraq دوشونمگه، وارليغى سئير ائتمگه باشلاير. اونون «صمد
ديرديد» سرلؤحه لى شعيرينده كى،

.....يوللارا،

باخيرام ايلان تك دولانير گئدير.

آخيري ديرماشير قايايقلارا،

باشيندا بولودلار قالانير گئدير.

كوبلئت كؤيرك بير روماتيكا نمونه سيدير.

هاشيم ترلانين بديعى واسيطه لردن استفاده دايره سى او قدر گئنيش و

خالق ياراديجيلىغى نىن تارىخى تحليلى گۇستىرى كى، انسانىن اساس ياراديجىلىق خطى رئاليزم مئتودو اولموشدور. بو مئتودون اؤزو البتّه مختلف بدىعى واسيطه لردن، بدىعى ايفاده لردن و ائله جه ده ديگر مئتودلاردان استفاده ائتميشدیر. محض بونا گۆره ده سيمبولسوز، روماتىكاسيز، فورماسيز رئاليست بير اثر تصوّر ائتمك اولماز. اساس مسئله بوراسيندا دير كى، دئديگيميز مئتودلار صنعت اثرينين آپارىجى خطياّه چئوريلمه مليدير.

ياراديجىلىق كئچمىشى نىن بو ويا ديگر مرحله لرینده سيمبوليزم، روماتىزم و س. نىن آپارىجى رول اوينايدىغى هئچ ده اونون ايندىكى دؤورده ياراديجىلىق مئتودو كىمى گؤتورولمه سینه حاق قازانديرمير. او مئتودلارین كئچمىشده كى رولو انسان يىليگى نىن، انستىتيك قاورايشين سويه سيندن آسيلي ايدى. باشقا سؤزله دئسك سويشتكيو انستىتيكانين لابد طلباتى ايدى.

آذربايجان ادبياتيندا، اها دوغروسو آذربايجان ليريكاسيندا ايلك رئاليست اثر ملاپناه واقفه عايددير:

خومار - خومار باخماق گؤز قايدا سيدير.

لاله تك قيزارماق اوز قايدا سيدير.

پريشانلىق زولفون اؤز قايدا سيدير.

نه باد صبادان، نه شانه دندير.

بو پرومىس داوام ائدهرك ميرزه على اكبر صابرين ياراديجيلىغيندا اؤز يوكسك ذيره سینه چاتاراق زنگين بير تنقيدى رئاليزمين اساسى قوبولور و آذربايجان ادبياتيندا، او جمله دن آذربايجان پوئزياسيندا بير عنعنه يه چئوريلير.

ايرانا گلديكده ايسه سياسى پولييسيستىك شعيرلىرى نظره آلماساق رئاليست پوئزىاميز رحمتلىك ب. ق. سهنده بورجلودور:

اورداكى، ديل - آغيز سؤزدن اوسانار،

سوروشون مطلبى تئلر سؤيله سين.

نه فرقی وار تبریزی یم باکیلی یم من
وطن دردلی اؤز شعریمین وکیلی یم من
قاراباغین شوخ چیگینه قانسیزلار قونوب
دئسم یثری واردیر باشی سرکیلی یم من!
او، خالقین آزادلیغی اوغروندا هلاک اولان قهرمانلاری نجه ده گؤزل
ترنم ائدیر. «صمد دریدیر» شعرینده صمد ایدنیاسینی، صمد دونیاسینی
چوخ رئال شکیلده و جانلی بیر تابلو کیمی رسم ائدیر:
کوللوک کناریندا گؤزو دوشنده،
«اولدوزا»، «یاشارا» اوتانیر گئدیر.
بوخ، صمد دیریدیر، اؤلمه ییب هله،
یولوموز یولوندان جان آکیر گئدیر.
یاخود انقلابین اشتراکچیزی اولان و اونون طنطنه لی غلبه سینی گؤزو
ایله گورن و شاهین سون و اوغور سوز باش ناظری اولان «بختیارا»،
«کارتره» قویروق بولادین بختیار
ایت کیمی واختسیز اولادین بختیار.
دئین شاعر «فریدون ابراهیمی» نی خاطرلایاراق حسرت و سئوینج دولو
بیر ایفاده ایله دئیر:

اوگون آسیلدیغین او دار آغاجی
سنین جلادینی گودور یاخیندان
آرتیق اوچولوبدور باشیندان تاجی
داها قالما یبیدیر او گوندن نشان.

هاشم ترلانی و وطن حسّیاتی، ملی دویغوسو هئچ ده اونو ملت چیلیگه
گتیریب چیخارمیر. او، ایستر ایراندا یا شایان خالقلاری، ایستر سه ده
دونیانین دیگر بوتون خالقلارینی اورکدن سئویر. شاهلیق اصول
اداره سینی ایراندا شوونیزم و ملت چیلیک مفکوره سینین اساس عامیلی
کیمی تقدیم ائده رک چوخ دوزگون بیر موقعه دورور:
تاجی قبره قویان گوندن،

رنگارنگدير کي، صنعتکارين ذؤوقونو آلقيشلامادان، اونا آفرين دئمه دن
کئچمک اولمور. بيز بو حاقدا سؤزوموزون ثبوتو اوچون يالئيز مختلف
نمونه لر وئرمکله کفايتله نيریک:

آغلما اردبيل

سئوينجيم سنين،

کدریم اؤزومون اولسون آنا!

بولاق باشيندا گؤروش

اوچوق کالاولارين ديوارلاری آلاه درگاهينا
اوزانان قوللار کیمی... گؤیده سازاقدان ديزلرينی
قوجاقلایان اولدوزلار تيره شیردی.

گلمیشم

حسرتیم قوجالدى سنسيز گولمديم
شکلینى گؤزومدن بير آن سيلمديم
دانين دوغماغينا دؤزه ييلمديم
آیلى بير آخشامدا، گنجه گلمیشم.

باهار گلیر

تاجی قبره قویان گوندن،
اثللریمیز اثل ساییلیر.

و.س. و.

شاعرين باشليجا خصوصیتی من دئیردیم کي، اونون خالقا، وطنه
باغلیلیغیدیر. او، بو باغلیلیغی تکجه خالقین غمینه - کدرینه شریک
اولدوغونو بیلدیرمکله دئیل، اوندان داها اوستون، خالقین کدرینی
منیمسه مگه جان آتماقلا اونلارین غمینه دؤزه بیلمدیگینی گؤستریر.
«يولچو يولدا گرک» سرلؤحه لی شعرینده دئیر:

کدریم اؤزومون، سئوينجیم اثلین.

اردیبلده باش وئرن دهشتلی زلزله دن سارسیلان شاعر «قاراباغ»ین
یادلار الینده قالماسینی غیرتینه سینیشدیرا ییلمیر:

من آذری اوغلوبام

آهای، کیمنن دایان!
قلمی یابانچی سۆزلرله گورلایان،
سنینله یم باخ بری!
تاخما شوخ دیلیمه اوزنجیرلری.
من آذری اوغلوبام

آذری تورکو
تیره رم باشیندان قویسا بیر توکوا
آدیم بیر، دیلیم بیر
وطنیم بیر، ائلیم بیر.
دیلیمه زور دوغون یاماقلار ندیر؟
من آذری اوغلوبام
دده قورقود اجدادیم،

بابک قیلینجیم،
نسیمی گورشادیم.
سنی بو حؤکمونله کیمه اوخشادیم؟
عربلر دیلیمده آت چاپدی گستدی!
دارالار گۆزومدن نور قاپدی گستدی؛
اوخلاندی دیلیم،

ائللریمیز ائل ساییلیر.

آذری، فارس، عرب، باهم اولوب سنگریمیز
تورکمن، کورد، بلوچدان یارانیب لشگریمیز.
دئمکله ایران خالقلارینین بیرلیگی نین سون درجه اهمیتلی اولدوغونو
وورغولاییر. او، تهراین اولدوزلاری و خوزیستانلی پارتیزان شعرلرینده
ده وطن پرورلیک و بیرلیک مؤقعیندن چیخیش ائدیر. هاشم ترلان
کنجیمیشی گله جگین چیراغی حساب ائده رک مشروطه سرکرده لری
شعرینده انقلابی قورویوب داوام ائدیرمک اوچون مشروطه انقلابی نین
اوغورسوز طالعی نی خاطیرلادیر.

شاعر بیر چوخ شعرینده بین المللی چی مؤقعدن چیخیش ائده رک
دونیانین بوتون قطعه لرینده ایمپریالیزمه و استعمارچیلارا قارشى مبارزه
آپاران خالقلاری دؤنه - دؤنه آلفیشلا ییر. او، «عرب قانی» سرلؤحه لی
شعرینده عربلره و خصوصیه ده فلسطین خالقینا خطاباً دئیر:

دوشمنین منیم ده دوشمنیمدیر ییل!

دیلیمیز آیرسا، اوجا غیمیز بیر.

قوی انسان جیلدینه گیرن اسرائیل،

بیلسین دنیا بئله گئتمیه جکدیر.

آرتیق اختیار چاغلارینی یاشاماسینا باخمایاراق «هشیم عمی» چوخ
چتویک و گومراهدیر. من اونا جان ساغلیغی، اوزون عؤمور و موقیّت
آرزولاییرام.

دو نيا منه كيچيك گلير

كائىناتى وئرين دئديم
دو نيا منه كيچيك گلير
گئىرچكلىگى دوشوندوكجه
رؤيا منه كيچيك گلير

چيگنيمده كى عؤمرون بارين
دالدا قويدوم نارين - نارين
غواصيام عمانلارين
در يا منه كيچيك گلير

شعرى، سؤزو داشدان كئچن
هر دوزو ايريدن سئچن
شعريتى اولچوب، ييچن
گونيا منه كيچيك گلير

عؤمرون سورر يانديقجا شام
او، يانديقجا من ده خوشام
گؤردوگومه اينانميشام

قايا لارا ميخلاندى ديليم.

آنام زمانه دن اوياندى اثركن

قور ائيله ييرغيارام دندى،

من ده وaram دندى.

داراندى، آراندى، كئچدى الكدن

ايندى او گوز وورور منه بله كدن.

من آذرى او غلويام

آذرى توركو،

قويمارام باشيندان قويا يير توكو.

دندىن - دندىم

دندىن قايت!

يولچويام، كۆزەرن اوفوقلر منىم.

آغاران يوللار قارالماز، دندىم.

دندىن: اونوت!

باشى آغ شلمەلى ذىروەدن دانىش،

ياستى قايا لارى قارالماز، دندىم.

دندىن دايا ن!

يىرشىم فلگىن چارخىندان يىشىن،

اۋندەيم زامانىن اۋزوندىن دندىم.

دندىن اويان!

ايتىدىر ترلانىن گۆرن گۆزلرى

سنىن تىك كورلارىن اوزوندىن دندىم.

دندىن سوس!

دندىم افسوس،

بو سۆز دارگۆزلرىن اۋزونە مخصوص.

دندىن اۋل، گەبر!

هىچ دە رۇيا دىيىل اۋلومسوز حيات

گون گلر اۋلومون اۋزو دە يقين

دىز چۆكر شەرىمىن اۋنوندىن قات - قات.

خوليا منه كيچيك گلير

اونون فعلينده وار كه لك

هئى النديك الك - الك

ميدانئما دونيا گرى

صحرا منه كيچيك گلير

۱۴

لئيسان اولوب يثره ائنسم

دالغالانئب، لپه لنسم

قايا لارا سبه لنسم

قايا منه كيچيك گلير

خئير كيما... شر بو آندا

باش قيمته ساتيلاندا

ميس قيزيلا قاتيلاندا

كيما منه كيچيك گلير

اؤنونده هر سؤزون من ده

عار ييلميشم اگيلنده

آذربايجان دئيلنده

دونيا منه كيچيك گلير

ايلىمى قايتارين منه.

آذرىم، ائليم، واريم،
هاراي سالىر سۆز قاتاريم.
سوسوز قاليب سۇنلاريم،
گۇلومو قايتارين منه.

شاعر ده وار سۆز اوينادان،
گونبز اوسته قۇز اوينادان.
فقط منه گورز اوينادان،
ايلىمى قايتارين منه.

ديلىم گىتسه قالار نه ييم،
تئجه بو درده بئل آگيم.
نسىمى دن اۇيرنديقيم،
تعليمى قايتارين منه.

دیلمی قایتارین منه

غربت ائلده غریسه دیم،
اٹلیمی قایتارین منه.
دره لریم کؤز باغلایب،
سٹلیمی قایتارین منه.

آختاریرام حزین - حزین،
ایتیردیگیم گولون ایزین.
دونیادا هرته وار سیزین،
گولومو قایتارین منه.

دیل دئیرم.... منی آنمیر،
سسله بیرم، او دایانمیر.
نوه لریم منی قانمیر،
دیلمی قایتارین منه.

باخ! اورمودان گؤی خزره،
اوخشار سنی هر منظره
بو آذر دن، او آذره،

من ده گلیم موشتولوغا آی میشوو داغی

اؤز اوغلونام یاما جلارین گؤیرسین دئدیم
کؤلگه سالسین چمنلره باشیل یار یاغی
قاری ننه م جهره سیننی اگیر سین دئدیم
یئددی رنگی پاریلداسین آی میشوو داغی

قادیر ییلن اوغوللارین بیلر قدرینی
سن اولماسان داخمالارین یانماز چیراغی
باشینداکی آغ اؤرپه گین آچیب چترینی
سالاملاییر سهندیمی آی میشوو داغی

کؤهله نینی چاپار، یشره چاخاندا شیمشک
باشین اوسته خیمه قورار گؤیون قورشاغی
بیر سؤز دئسم خیالیندا اویانماسین شک
سن بو باغین باغبانیسان آی میشوو داغی

آغاچ دلن سؤبودلره مضراب چکنده
جوتچو بابام خیش - امرازلا سؤکر تور یاغی
مه چيله نیب اتکلره دومان چؤکنده
شئه اویانیر چمنلرده آی میشوو داغی

طبیعتین بو تور یاقدان سن ایلکین داشی
آی دا سنه قوناق اولوب هر آخشام چاغی
بارماغیندا اوزوگونون آلمازدان قاشی
ندن بئله بزه نیسن آی میشوو داغی

میشوو داغی

ساوالاندير سنين مدریک اولو قارداشین
دفتریمده یترین بوشدور آی میشوو داغی
گیلیلیسن هئی گۆرورم چاتیلیمیش قاشین
گیلییین ده منه خوشدور آی میشوو داغی

عۇمرون بویو داراق الی دگمه یین تئلین
باخیشلارین اییب باتدی آراز قیراغی
هر دره دن آخیب گلن سولارین، سئلین
بیر ملتین گۆز یاشیدیر آی میشوو داغی

میشوو داغی! طبعیم سندن آلدی قدرتین
داغ چاپیرام، هارایا گل ائللر سایاغی
بوتون داغلار سندن آکسین داغلیق عبرتین
آنا یوردا هایان اولسون آی میشوو داغی

یاناغیندا قارا خالسان قوجا مرندین
قیزلار آچسین گۆزلریندن قارا یاشماغی
قوی دولانسین یاد بوینونا قولاچ کمندین

گۆيرچين

باكى دئديم يولوم دوشمور اوچ ايلدير
آرزوم گولور ديله گينده گۆيرچين
قايقيسيزلىق انسانلىغى كيچيلدير
خام دونيانين بزه گينده گۆيرچين

باكى دوغما، باكى گۆزل، باكى شن
بوروقلارى ليله لرله دۇيوشن
قاراباغسيز افكارينا خال دوشن
بورونوب غم كۆينه گينده گۆيرچين

ائله باخما دونيا بئله خلق اولوب
زامان دۇنوب گون باتاندا شرق اولوب
ئىچين معصوم باخيشلارين غرق اولوب
خار اگلە شيب چيچگينده گۆيرچين

دام اوستوندن قون يانما تكم من
حسرتيم چوخ، قدرتيم يوخ چكم من
بو عييه جر غم سارايمن سؤكم من
توفانلارين كوله گينده گۆيرچين

قوللارينين دامارينى بوغان او كندير
آلئنداكى قيريشلارين غضب اويتاغى
دئمه دونيا بئله گليب، بئله گئنددير
هر سحرين صاباحى وار آى ميشوو داغى

۲۰

گون شاخاندا يوخا چيخير ياغيشين، قارين
هر يوخوشون عقربلرين اولور اويتاغى
آنا ديلم اللرينده قالب اغيارين
نوله لريم دانير منى آى ميشوو داغى

توخوجو قيز خالچاسيندا سالار ناخشيني
هر گؤشه ده اووچولارين جئيران اوولاغى
باس باغريتا آغكمرلى شاعر آخشيني
سته وورغون اؤز اوغلوندور آى ميشوو داغى .

بير گون گلر قول بوينوما سالارسان يقين
قوجاغيندا بير شاعرين سؤنر اوجاغى
يوخلوغومدا باهار كيمي دولارسان يقين
جار چكرسن ترلان اوچدو آى ميشوو داغى

دونن گۆردوم قونموش ايدىن ووقارلا
سئوگىلېمىن يىلە گىندە گۆيرچىن

افسانە دىر «مىرغ ھماي»، او، سىنسىن
عزىتىندىر بو عشقىنلە گونىسىن
شر قوپاندا گلىشىنە ايتان سن
گوجو چاتماز فلگىن دە گۆيرچىن

يولون دوشسە او تايلارا ايتاملا
يىزدن باكى شاعرلرىن سالاملا
نظم ايله دە روح اويتادان كلاملا
سۆز قالماسىن اورە گىندە گۆيرچىن

گۆزلىرىندە اولدوز يانان باكى نى
شوشا دردلىن اونوتمايان باكى نى
يثرى واردير آقىشلاسان باكى نى
گۆزلىرىمىن بىه گىندە گۆيرچىن

باكى! شىرىن، شىرىتىن، الفتىن،
عمانىدىر ھر شىرىندە سۆز متىن.
اونلار شىرە شىرىر دىمىز صىنعتىن،
النمىسە الە گىندە گۆيرچىن

سرحىد بويو دارا دوشىن دوماندا
خوف ائلمە قالسان شىكدە، گوماندا
سۆيىلە ترلان ائلىندىم بو آندا
گوللر گولر للە گىندە گۆيرچىن

من دردلى يم، من اسيرم، سن آزاد
اۋز ائويمده نولهريم منه ياد
شوخ ديلمه قوزغون قونوب دئير: يات
بششيگينده، بله گينده گۈيرچين

۲۲ Y

بیر دن اکدیم گۈزوم قالدى دنده
گۈيرمدى، پای دوشمدى منه ده
بزه نيريك، دوزه نيريك يثنه ده
قايتاشيريق كپه گينده گۈيرچين

خصلتى دار، اوره گى دار، گۈزو دار
اله گيندن كئچنميرم گۈزو دار
اۋز دئديگين ايللر بويو اوزا دار
آرزون قالار اوره گينده گۈيرچين

ديك باخيرام گۈزلرينه يان كئچير
سانكى قديم دبدبەلى خان كئچير
دۈوران كئچير، ايللر اوتور، آن كئچير
اليم قاليب اته گينده گۈيرچين

اۋگنى اولدوم، ديللنمه سم ائل منى -
باغيشلاماز آبارسا دا سئل منى
مات قالميشام دوشون منى، ييل منى
زمانه نين كله گينده گۈيرچين

اوتور باشدا بو گۈركمله، بو وارلا
ديمدىگينله قانادينى تومارلا

سئوينجيم سئين،
كدريم اوزومون اولسون آنا.
دوزومه عزمين اولسا،
يارالارين يوز مين اولسا،
كورە گينده كل گيزله نن،
اورە گينده كل گيزله نن،
اوغلوللارين مرحميله
ساغالار آنا.

اولو قارداشين تبريز،
بالا قارداشين زنجان،
آناميز آذربايجان،
اؤلکه ميز ايران،
قوللاريتى آچا - آچا
اوركلرى پارچا - پارچا
ديزينه باش قويوبلار آنا.
آمما...

ساغالمايان بير ياران وار؛
بو نه يوروش، نه هجومدو؟
اللى بئش مين قيزيل باشلار
اوردوسوندان گوزون يومدو.
آغلاما، اردييل آغلاما!
دوزومون اولسون آنا

سئوينجيم سئين
كدريم، اوزومون اولسون آنا.

آغلاما اردييل

اردییلده باش وئرن زلزله مناسبتینه

آغلاما اردییل آغلاما،
دۇزومون اۇلسون آنا.
گۇزوندىكى سۇنسوز كدر
گۇزومون اۇلسون آنا.
باخيپ طييعتين بۇيونا
نه دئيم اونا؟
دئسم نورسوز بير عالمسن؟
گونشين آجيغى توتار.
دئسم سۇنسوز آسمانسان،
اولدوزلار سۇنر.
دئسم تۇرپاق نه ظاليمسان!
يثرين بركتى قاچار.
نه دئيم آنا؟
بابكين حسرتينه دۇزدون،
چالديران دردينه دۇزدون،
خاقانلارين قىلنجينا دۇزدون،
يشنه دۇزومون اۇلسون آنا.

بیر وطنه ایکی وطن نئجه سیغیندی؟
نئجه دئیم بیر وطنده ایکیلی یم من.

قاراباغین شوخ چیگینه قانسیزلار قونوب
دئسم یشری واردیر باشی سرکیلی یم من.
شاهه قالدخان داغ بیجیملی ساحل بؤیونجا
لپه لرین گوموش رنگلی ککی یم من.

باکی دئدیم اؤگئی اؤلدوم دانمادیم بونو
من ترلانام باکیلی یام، باکیلی یام من.

باکیلی یام من

نه فرقی وار تبریزلی یم، باکیلی یام من
 نه فرقی وار شوشالی یام، شکیلی یم من
 بیر بالیدام، قۇل بوداغیم، کۆکوم، یار باغیم
 بیر سئو دانین کانداریندا اکیلی یم من.

شاخ دورسام دا شومشاد بۇیلو جاوانلار تکیین،
 عۇمرون خزان تئلرینه بوکولویم من.
 نه بیر علمی مقامیم وار دریندن درین،
 وطن دردلی اؤز شعریمین وکیلی یم من.

تره زیمین ناخیشلاری گونشدن دورو،
 نسیمی نین باش داشینتان چکیلی یم من.
 کیپریکلریم یئر سوپوردو باخماقدان سنه،
 گۆزلریمین گۆزوندکی شکیلی یم من.

شعریم سنده عطیر ساچدی، سنسیر ای باکی،
 دئیردیم کی، دۇداقلاری تیکیلی یم من.

ايلان كيمى قيوريلان ديليمده كى كمنده.
 گۇرون حيدر بابانين باشينداكى چلنگى،
 ديليميزين زىنتى شعرىمىزىن نهنكى،
 انسانلارين طالعى خصلتتىندن سىچىلدى
 دۇللار ايله اۇلچولوب، دۇللار ايله بىچىلدى.
 تىللىن زمانه هۇرموش، جلودارى زر-گوموش،
 عدالته دۇن بىچىر هر اجلاسدا مين گۇروش.
 زمانه كۇهلن آتدير، اۇنو مينن، چاپان كيم!
 تندىرىنده اۇد ساليب، چۇره گىنى ياپان كيم.
 يۇخسا بير سفينه دير گۇى سولاردا سوزور تك
 سكاندارى گىيىملى اللرىنده آغ الجك.
 يۇخسا منيم تك يىرىن، گۇيون يىددى قاتىندا،
 نه اولدوزو، نه بختى، چاپىر نالسىز آتىندا
 عۇمر ائده بىلمه سم ده زمانه سىز، زامانسىز،
 من اۇنلارى يارىشدا اۇته جهيم گمانسىز.
 مهارى اللرىمده، گوجوم بال-پرىمده،
 يانىلماغى دفن ائدم اۇز اۇتن ايللىرىمده.

زامان و زمانه

باشيندا نورلو بير تاج زمان كۆهلن آتیندا
 دائييم چاپير دورمادان عصرين چاتا - چاتیندا.
 من اؤنو گۆرمه سم ده اؤنسوز گونوم گون اولماز
 ايتگين دوشن چاغيمدان دريا غميم دورولماز
 گۆزه گۆرونمز سه ده اۆز گوجونه چاپير او،
 سانكى بوتون وارليغين منليگينده تاپير او.
 نه بيلسين كي، عؤمرونه زينت وئرن بشردى،
 اؤنسوز زامان بيلينمز، نه ده يادا دوشردى.
 نه بيلسين كي، دونيادا اولوم ندير، اولوم نه،
 گونش باتا، آي دۇغا وارا بيلمز فرقينه.
 نه حسی وار زامانين، نه ده كسگين قدرتى
 او اؤتدوكجه دم توتور زمانه نين هييتى.
 زامانه سيز زامان يوخ، زامانسيز دا زمانه،
 نشانه سيز بير اوخ دا سيغا بيلمز كمانه.
 اونلار دۇغولموش ائكيز
 زمانه نين الينده اويونچاق اولموشوق بيز.

باخين ستارخانلارين مينديكلرى سمنده

تام ايدىم قوزئيه، گونئى يە دۇندوم.

آنام گيلئىلندى آشين دوزوندان،
قۇنشوسو اۇتايدان دادينا يئتدى.
بابامىن دوشمد اليندن كۇتان،
زمىسى اۇتايلى، بوتايلى ييتدى.

سۇكون چپرلىرى، چاپين داغلارى!
تبريزدن باخاندا باكى گۇرونسون.
آدى بير، سانى بير، اۇجاغى بيركن،
ئىچين گۇزوموزه ايكي گۇرونسون.

ياخين پاسپورتلارى، يۇللار گودلسين،
شوشادان، گنجەدن خۇيا، مرنده.
ئىچين آستارادا قلىيمى دلسين،
ضابطلر اۇنومده سينه گرندە.

نسيمي سۇيلويام، هايدا - هارايدا،
شىمشك كيمي چاخام، يئل كيمي اسم.
بير عۇمور ايسترم آزاد بو تايدان،
اۇ تايدا كپەزىن تئلىنى هۇرسم.

شاعرلر سوساندا، قلملر كوسر،
گۇلسوز دورنالارا يىتىملىك قالار.
اى الهام طبعيمه قىلما سان نظر،
نە گوللم، نە دە كى، باشيم ديك قالار.

سۆكۈن چىرلىرى، چاپىن داغلارى

يىتتە باكى دايام، يىتتە شادام من،
سئوينجىم كۈنلۈمون كۈھلن آتىندا.
بۇيلو بولودلارن گورشادى يام من،
يىر سئلم غۇمرومون چاتا - چاتىندا.

اي باكى اكيم يىلر قدرىنى من تىك،
سئسيز بو دونيا يا غنىم، غنىم
دونن دامىنىدن توتدوغوم اتىك،
بوگونكو قلمىم، شىرىمدىر منىم.

آرازدا يىتمىشم كۆكۈم درىندە،
بۇى آتىب اۋز باكىم، تىرىزىم دئىيب.
تۇرپاغىن آلتىندا يىرى - يىرىندە،
اوستونده هر يىرى باشقا دۇن گئىيب

ايكىلىك داش ايله داشلاندىم اثرىكن،
داش آتان گۈزلره غنىم گۈرۈندۈم.
خىانت اۇخونا توشلاندىم اثرىكن،

ياران اوز دۇغما يارامدير قاراباغ.
ياراسيز سۇيله هارامدير قاراباغ.

آذربىستان سىسینه سىسدى سىنين،
گۆز دىكن مولكونه ناكسىدى سىنين،
دۇيوشون حقدى، مقدسدى سىنين،
دئمه حقيقين اوزو گولمز قاراباغ.
اينجهلر، آما اوزولمز قاراباغ.

گون گلر داغلاريتى من گزهرم
داغينيقلر تئللرينه گول دۇزهرم
هر بلا سمتينه گئىسم دۇزهرم
دۇزهرم فرقتينه آى قاراباغ.
يۇخدور عالمده سته تاي قاراباغ.

اۇغلونام گلمه سه دايم سۇراخين،
باشينا يان قۇيا بيلمز پاپى غين،
اوزولر سه دۇداغيمدان دۇداغين،
هارا دۇنتم قارا اوزله قاراباغ.
گۇرا دۇنتم قارا اوزله قاراباغ.

خزرىمده قىزاران دان باكى دير،
جانينا جان، قانينا قان باكى دير،
بو دۇيوشلرده كۇماندان باكى دير،
اۇ، يانان حق اوجاغيندير قاراباغ.
مشعليندير، چيراغيندير قاراباغ.

قاراباغ مارشى

بو ظفر مارشيدير سحر يمدير منيم!
طبعى شعر يمدە كى سحر يمدير منيم،
كينلى قانسيزلارا قهر يمدير منيم،
آخى سن نورلو تاجيمسان قاراباغ.
درمانيمسان، علاجيمسان قاراباغ.

آيادي قجا يادى سنگر بويو سن،
گلدى امدادينا اوولادى وطن،
ظفر ينله باشين اوستونده كى چن،
چكيلر، بير ده گولرسن قاراباغ.
سنده كى قدرته احسن قاراباغ.

سنى تاريخ ياشاديدير، ياشادار،
توتسا دا ياد، باشين اوستونده قرار،
وطن اووز اوغلونو دار گونده آرار،
ايندى باخ اووز كئشيگيمدير قاراباغ.
ايستى قوينون بشيگيمدير قاراباغ.

قاراباغسيز نه چى يم من، دنى كيمم،
من اونون درددين آنان بير حكيمم،
دردلى يم اووز كوكرم اوستونده سيمم،

گول سىپىلر كوچه لره باشىمدان اوجا.

دئديم ندير، بو چال - چاغير، ندير بو صحنه
خزر گۇلدو: بو شتلىين سىرى دريتدير.
چيچك سپن، آلكيش دئين، سئين او كؤهنه -
باكيداكى قريسه ميش لپيرلر يتدير.

آه، اؤره گيم چيرينما گل ديتله ماراقلا
خجله تيمدن اوزوم قارا، اسير ديزلريم
سانيرام كى، بو دبدبه، بو طمطراقلا،
ايندى منه طعنه وورور آياق ايزلريم.

آمان كؤنول يانيلميسان، آييلميسان گنج،
عۇمرون اۆتوب دؤيوشلرده هايدا، هارايدا.
ازل گوندن باكى دئدين دوشونمدين هنج،
آياغيندان قۇيان ايزلر قاليب اؤتايدا.

چن دۇمانا، دومان چنه دؤنسه بو دمده،
يۇلون آزماز يواسينا دؤنن قاراقوش.
اؤز باكىمدا يىره دوشن كؤلگه لريم ده،
بوگون گليب گؤزلريمين اؤنونده دوروموش.

بو شتلىيكده غم كؤيته گين اگينندن سؤيون،
كؤنول وئريب نغده له شن سازا ايزلريم.
ساحل بۇيو قوجا قلاشيب اؤلسون قول - بويون،
منيم كؤهنه ايزلر يمله، تازا ايزلريم.

كهنه و تازا ايزلريم

كۆكۈم يترده، اۇجاغيم گور، كۆلگم ديواردا،
 عمان درين سايمازانا سوزور يىلكنيم.
 قودوردوقجا بۇز لپه لر بوگون سولاردا،
 دالغالارا دۇداغيني بوزور يىلكه نيم.

باكى دئديم، هاراي چكديم، دۇزه نمديم من،
 آراز يانى چپرلرين گۇزونده ايتدى.
 عۇمروم بۇيو بزنمديم، دوزنمديم من،
 حسرتيمي كيملر دويدو كيملر ائشيتدى.

گناه دئديم آراز دادير، آرازدا ايندى.
 بانيلميشديم خياليمدا اۇز ادراكيملا.
 آراز گولدو... آرزوم ياشيل دۇنون گئيندى،
 وصالدايام... نازلانيرام دۇغما باكيمل.

آيريلاندا اۇن دۇرت ياشيم، قايننداندا من،
 يىتميشيمده باكيدايام ساحل بۇيونجا،
 مات قالميشام، خوش گلميسن، سالام سسيندن،

دنسىز ليكدن اوچوب گئدن قارانقوشلار قايتىدىلار.
بولاق باشيندا قىزلارين قهقههسى، اوردان اوزانيب گلن جيغىرلار
سئيرانگاھيم اولدو.
آه... اوزودور، اۇمنى گۇرچك آغير سو كوزه سينين آلتيندا، چاتيلميش
قاشلارى اوينادى. اللريم چيگننده كى سو كوزه سينه طرف اوزاندى.
- يوخ، بولاق باشى، سو كوزه سى قىزلارا ياراشار دئدى
- يۇخسا يئنه تلسمه دئيرسن؟
غريبسه ميش گۇزلىرى دۇلۇخسوندو، دۇداقلارى غنچه لندى.
- من ده تله سيرم دئدى.
گۆيده سازاقدان ديزلرينى قوجاقلان اولدوزلار تيتره شيردى... گئجه
يازى... آياق هئيرتيسى... حيه طين اورتاسيندا بير كۆلگه... هاوانى عطير
بوروموشدو.

بولاق باشيندا گۆرۈش

اژدها يوخوسونداڭ اۆيانمىشىدى. سونبولر بۇينو چيگىنىدە، اۇراقلار سارى كولشلىرلە دالاشاندا اۆن بشش ياشىمدا، اوزاق سىحىرلى يۇللاردان تۇرپاغى يىر، داشى يىر وطندىن، وطنە گلدىم.

سىحىرلى دىندىم، آخى اۆ زامانلار آرازىن گۆزلرى ياشلى ايدى... بودور كندىمىز! سانكى دهشتلى زلزله دن اۆيانمىش گۆزلرىنى اؤغوردو.

اوجوق كالاولارين ديوارلارى آلالە درگاهىنا اوزانان قۇللار كىمى... آه... رۇياسىندا غرق اۆلدوغوم كندىمىز بودورمو؟

قلىيمده صاباحكى گۆرمديگىم گونلرى اۆلچوب يىچىردىم.

گونون بو آنىندا گوللو چادرايا بۇرونموش يىر صنم اۆنومده داياندى.

- سالام خوش گلىيسن!

باخىشلارىندىن قۇيان شراره لر گۆزلرىمدن قلىيمە آخدى.

- سىز كىمسىنيز؟

- تلىسمە دىئىب گىتتى.

آردىنجا باخا - باخا خرابه لر كونجوندە حىيران - سرگردان قالدىم.

آه يانىلما كۆنول! لعل خراب سىز، گنج وىرانە سىز اۆلماز. اؤگوندن

ستوىشدىك، اۆ منىم كۆلگم اۆلدو، من ده اۆتون.

اوزاق سىحىرلى يۇليردان تۇرپاغى يىر، داشى يىر وطندىن وطنە گلدىم.

عهدىنلە غبارا، تۇزا بوروندون،
ياندىن دىلىمىزە سىن گولر اوزلە.

شعيرلە اوياندىن، شعيرلە گولدون،
آلتىندا كىشەنە يىن كەھرىن اۆلدو.
دىلىمى زار گۆردون ياندىن تۆكولدون،
قلىنى گۆنەنەن كەرىن اۆلدو.

شعير ترانەدير، بورونمز غمە،
ھر شعرىن اۆز عطرى، اۆز سئوداسى وار.
دونىايا مین شيدا گلىبىدير دئمە،
يىزىم سۆز مولكونون اۆز شيداسى وار.

سن اولماسايدىن

قوجامان اديب، شاعرىمى شىدايا اتعاف

اۋتن چاغلارنى ائىلە دىكجە ياد،
جاوانلىق دىلرەن يادىما دوشدو.
چوخ شادام وصفىندە سىنەن اى استاد،
شەرىستەلەمەك آدىما دوشدو.

اۋ زامان گىنج ايدىن، چىنارسان ايندى،
اۋز كۆكۈ اوستونىدە يىتن سارالماز.
اۋ زامان كۆز ايدىن، يانارسان ايندى،
قوردوغون اۋجاغى بوران، قىش آلماز.

اونوتدوم تۆلد گونونىدە دردى،
طالەين، اوغورلو، گۆزلىرىن آيدىن.
شەرىصەتتىمىز قارا گىيردى،
دوغروسو آى استاد سەن اولماسايدىن.

نە ساغا بورولدىن، نە سۇلا دۇندون،
ياشادىن غۇمرونو شەرىلە، سۇزلە.

بىر چاي كنارىنا قۇندۇ بىر تەھر.

شن باھار، گۆي چمن، چاغلایان سولار،
قازلار قاتار - قاتار خرامان گزیر.
قارغانین کۆنلۈندە گۈلدۈ آرزولار.
- بس نىچىن بو قازلار مندن يان گزیر؟

بىر باخدی اۆزۈنە، بىر دە قازلارا.
- رنګىم دە بختىم تګ قارادیر دئدی.
ندندیر قازلار آغ، قارغالار قارا؟
بو دردەن اۈرە ګىم يارادیر دئدی.

بەیندى قازلارین دیل آھنگىنى،
حسادت، ایچىندن یئدی قارغانی.
گۆرندە اۆنلارین دوم آغ رنګىنى،
طبیعت قارغایىب دئدی، قارغانی.

قارغا ھارای سالدی، قازلار لال تګین،
سوزدولر قارغانی حیرت ایچىندە.
باخیشلار اۈینادى بىر خیال تګین،
قارغا آکۈولاندی حسرت ایچىندە.

سۆیلدى: دیلینىز باھار کىمى شن،
بو چمن، بو گۈلشن ياراشیر سیزە.
من الهام آلدیقجا، شوخ رنګىنیزدن،
دالغىن باخیشلارىم داراشیر سیزە.

قارغانين حكايه سى

باخدى يوواسينا چينار باشيندا،
سيخيلدى اورەگى بالا قارغانين.
غم - كدر اوينادى هر باخيشيندا،
آز قالدى گۈزلىرى دۇلا قارغانين.

قالخدى سۇن بوداغا بۇيلاندى بير آن،
ياشيل ياماغلارين حثيرانى اۆلدو.
جذب ائندى قارغانى مجهول بير مكان،
اۆزگە بير ديارين كاروانى اۆلدو.

قار دئدى، اوجالدى سسى بير گىجە
داغلارين مئينه بوروندو قارغا
گاه قالخدى، گاه ائندى لەلكلر اينجە
ائله ييل گۆيدە دە سوروندو قارغا

آچدى نقايىنى اوفوقلردە دان،
گونشين نورونا بۇياندى چۆللر.
قارغانين تر آخدى قانادلاريندان،

كولكلر اوينادى چمنده، چايدا،
قازلارين كۆچمەيە ھوسى گلدی.

گۆيلردە سيخ دومان چكىلدى بىردن،
سېلىندى قازلارين كۆنلۈندىن غبار.
قانادلار آچىلىپ، بو كۆلدۈ بىردن،
گۆيدە ھاچالانىپ قانادلاندىلار.

قى ووروب قارغا دا آچدى بال پر،
بويىرسىز اوچوشا باخسا دا مات - مات.
او اوچدو قازلارين آردىنجا يكسر،
قاتارا چاتمادى، چاتمادى ھىھات.

باخدى آلتىنداكى آنا تۇرپاغا،
درەلر دە لال دېر، تېلر دە لال.
اۋز يوردون، اۋز ائلين تانيدى قارغا،
قۇندو دۇغولدوغو بۇرداغا در حال.

قارغالار دا گلدی، بو بۇز چمنده،
دئدىلر:

- سىن كېمىسن، نە چىسىن دانىش.
سۆيلىدى:

- سىزدەنم، قارغا يام من دە،
بو ائللە، بو يوردا تانىشام، تانىش.

گولۇشدو قارغالار:
- بو ائلين سىنين،

ايندى سيغينميشام سيزه من، آنجاق،
سيخير منليگىمى يامان بو تكللىك.
بلكه ده بو قارا رنگيم اؤلسون آغ،
ديليزه رنگيره اؤلوم من شريك.

يشنه قاتارلاندى قازلار بو آندا،
ناز ايله ساحلدىن چيخدىلار دوزه.
دئدىلر: اينانسان، اينانماسان دا،
تاي اؤلماز عييه جر قارغادان ييزه.

اوغورسوز قالسا دا دىنمىدى قارغا،
قازلار قاققىلد. شيب سوزدو چمنده.
اؤز خيال آتىندان ائتمىدى قارغا،
بو آجى محنته دؤزدو چمن ده.

اوگوندىن قازلارين يۇلوندان كنار،
قارغا چكىلمىدى ايستر - ايستمز
دئدى: يۇردو منى آيرى بوداقلار،
اي كۆنول ايندى ده چمنلرده گز.

اؤتوشدو چاغلارى شهرتده، شاندا،
ائلىتىدىن، دىلىتىدىن، دىلىن آيىردى.
قازلار شاققا چكىپ قاققىلداياندا،
قارغا قورباغا تك قورولدايىردى.

ياز گشتىدى، ياي گلدى، توكندى ياي دا،
تۇرپاغا پايىزىن نفسى گلدى.

يولچو يولدا گرک

التميشم، صافيم چيخيبي الكدن،
كپه گيم يوخ، نتجه دانيم ايلقارى.
يشميشيمي بوگون آلدیم فلكدن،
كولونگ وئرين منه چاپيم داغلارى.

يولچويام يولدايام بوران، قيش، شپه،
شبهه سيز ايناميم، لكه سيز آنديم.
زامانلا توش اۆلدوم اۆنونلا حربه،
زامانين اۆزوندن ائركن اۆياندیم.

باشقاكس دئييلم اۆزومدن آيرى،
قى ورروب اوچماغا سئوديم اوجانى.
ييلمديم، گۆرمديم، گۆزومدن آيرى،
ائللرى، دونيانى، آذربايجانى.

آلنيم قيريش - قيريش قاشلاريم قيرؤ،
تۇرپاقدان گوج آلدیم ائله گونندیم.
آتيمين ناليندان قيغيلجيم، آلو-

ندندىر بىزىملە بو ايلكىن گۆرۈش.
نە اۋزون بىزدىنسن، نە دىلىن سىنىن،
خۇشەدور ياد اتىدىگىن بوانلدىن سۇرۇش.

ياد اۋلدىو يوردوندا، دۇلاندى يالقىز،
اۋتن چاغلارنىدان اۋكۇنلو خىستە.
حاق - ساي گۆرمىدى، قالدى قارار سىز،
بىر گۆل كىنارىندا قۇندو داش اوستە.

قۇخوموش سولارا باخىپ، چكىدى آ،
- قلىمى شاد ائىن دئىدى نغمەدىر.
اىستىدى «قار» دئىسىن، «قور» دئىدى ناگاھ
قورباغالار سودان بۇيلاندى بىر - بىر

قورباغالار بىر دم سوزدولر اۋنو،
دئىدىلر:

- يىرى وار سۇيلهسن دوزون.
يىلك بو داستانين نە اۋلدوغونو.
دىلىنىز دۇغمادىر، عىجىسن اۋزون

قارغا لۇغالاندى:

- اۋزومدىن اوجادا دورماق الھامى،
يۇرسا دا جىسمىمى اۋز گىرىشىندە.
گۆزلىدىر، باخدىقچا قۇي دئىسىن ھامى،
بو قارغا اوستادىر قاز يىرىشىندە.

غواصیق اوزوروک توفانلاردا بیز،
آدیمیز دا بیردیر، یادیمیز دا بیر.
بیر آنا بطنیندن دۇغولدوق ائکیز،
اوجاغیمیز دا بیر، یادیمیز دا بیر.

اوزدوک، من درینده، سنسه دایازدا
آدینا آد قوندو آدیمیزین دا
چاپدیق سن دوماندا، منسه آیازدا،
نفسی چاتمادی آتیمیزین دا.

قارتالین وقاری، اوز گۆرکمینده،
اوچدوقجا انسانا هیجان وئرر
اۇتۇرپاقدا اۇلمز، اجل دمینده،
اوجالار، اوجالار داغدا جان وئرر.

بو چۇلر، بو داغلار، قایالار بیزیم،
سورونمک انسانا یترده عار گلر.
هاینا چاتماساق اۇز اۇلکه میزین،
دونیانین گۇیلىرى بیزه دار گلر.

شعیریم، قلمیم، قلینجدان اۇتگم،
بیری دیاتتیم، بیری خصلتیم.
صاباح سۇرونمه سه آرديمجا کۇلگم،
اۇندا عفو ائيله سین منی حسرتیم.

چاخماسا ذىرويه چاتماز كمنديم.

قورويار آياغيم، اليم، ديزيم ده
اۋنونده دورماسام چاغلايان سئلين.
اۋزومون دئيىلم، اۋلسام اۋزوم ده،
كدريم اۋزومون، سئرينجيم ائلين.

آرزوم دا چاغلاير شلاله تكين،
اوميديم سايريشان دان اولدوزومدور.
ايلقاريم اليمده پياله تكين،
اۋ دا امانتيم، داديم، دوزومدور.

چۆره گيم سوفرمده، مئسيم كوزه مده،
قدحيم اليمده قالدى گلمدين.
سنيئله اوز - اوزه گۇروشمه سم ده،
خزان ايللريمى چالدى گلمدين.

دونيائان آينينه دۇنو دار گليب،
سئچه بيلمه سه ده آستاردان اوزون.
كۆهنه تازالانيب، تازا كۆهنه ليب،
زامانمى، مكانمى ايتيريب اۋزون.

يۇخ! دئمە شاعريم، سئلى هر داغين،
يازدا بولانماسا، يايدا دورولماز.
كۆهنه كانداريندا يانان چيراغين،
نوروندان، كۆزوندن منه نور اولماز.

فرعونلار كۈهنه لير، كلامدان دوشور.

كىمدير اۇ قهرمان، هانى اۇ انسان؟
شاهلار ين تختيله دوردو اوز - اوزه.
يۇخسا فريدون دور، شهيد، قهرمان،
ايندى، اۇ دونيادان بۇيلانير بيزه.

اۋزودور، يوردوموز آيربايجانين،
شرفلى، ناموسلو، اۋلمز بابكى.
اۇ بايراق ائيلدى اۋز پاك وجدانين،
گونشله ياناشى دوردو مسلكى.

قارداشيم فريدون! آند اۋلسون سته،
يشنه ده بايراغين اليميزده دير.
آند اۋلسون سئودىگين دۇغما وطنه
آنديغين غلبه يشنه بيزده دير.

اۋگون آسيلديغين اۋ دار آخاجى،
سنين جلاديني گودور ياخيندان.
آرتيق اوچولويدور باشيندان تاجى،
داها قالمايبيدير او گوندن نشان.

قارداشيم قبريندن اۋيان بير آنلىق،
باخ! وطن مولكونده بو دۇورانلارا.
نه شاه وار، نه سلطان، نه ده قارانلىق،
عشق اۋلسون سنين تك قهرمانلارا.

تاریخ یارادان قهرمان

فریدون ابراهیمی نین خاطره سینه

یشنه ده کۆنلومده چیرپینیر اورک،
آجی خاطره لر اۆتور یادیمدان.
جلاد! نه ظالیمسان یاخامدان ال چک،
نه لر چکمه ییبیدیر الیندن انسان.

جلاد سؤیله سم ده، بابالاریم دا،
اوندان گیلشله نیب عۆمرو بۆیونجا:
قیریلسین قانادی، دئییبیدیر هر دن
عۆمرو موز گۆرمدی خوش گون دۆیونجا.

قهرمان یارادیر تاریخین الی،
اۆنوندە قول کیمی باش آیر حیات.
اوجالیر گۆیلره مغرور هیکلی،
باشینا گول سپیر گۆیدن کائینات.

زامان، دۆلاندیقجا، اۆتدوکجه آیلار،
انسان قدرتیله نظامدان دوشور.
تاجلار پارچالانیر، اوچور سارایلار،

بوائللرين حق دئين دۇداغيدير فرقه ميز.

بو سنگردن دۇيوشده، اۇ سنگره سوروندوم.
شاهلارين آدديميندان قۇيان تۇزا بوروندوم،
انقلابدا سيناقدان چيخيپ باشدا گۇروندوم،
بو يۇللارين دالغالى بايراغيدير فرقه ميز.

ايندى مقام باشيندا، ساغلار قۇلو چۇماقلى،
شعارلارى انقلاب اۇزو غربه آداخلى،
ظاهرده طمطراقلى، باطنده مين ياماقللى،
نقابلى وجدانلارين دوستاغيدير فرقه ميز.

من انقلاب سيرداشى، عۇمروم شكده، گوماندا،
«ساغلار» غريين اويناشى گزير امن اماندا،
اولدوزلار قاتاريندان، صاباح شن آسماندا،
يازىلاجاق بو يوردون نۇراغيدير فرقه ميز.

بئلين بوكر شيهه سيز سسلننده هر كمان،
بو كولمه سه بلليدير اۇخ آيريلماز كماندان،
صداقتيم اوجوندان من اولسام دا باغرى قان،
باغرىمداكى، لاله نين ياناغيدير فرقه ميز.

دومان كيمى فرقه لر گليب، گنديب، من و ارام،
پرواز لانيب كۇلكدن سامان كيمى، من و ارام،
رويين تن دۇرانام، دۇران كيمى من و ارام،
دئمه بش گون عۇمرونون قۇناغيدير فرقه ميز.

فرقه ميز

مشروطه تڪ انقلاب اریدیكجه شام كیمی
 یشنه بهتان، یشنه داش قالاغیدیر فرقه ميز
 ائیشلرده برکیمیش، یوخوشلاردا وقارلی
 بیر قوجامان چینارین بوداغیدیر فرقه ميز

من عاشیقم سسله نن، الیمده کی بو ریاب،
 سعادتین مارشیدیر، نه رؤیادیر، نه ده خواب،
 بیر قهرمان ملتین اوولادیدیر انقلاب،
 انقلابین بؤکولمز دایاغیدیر فرقه ميز.

انقلابین حوسنونه تۇخونماسین شر دئدیم،
 الوان قانادلاریندان آیریلماسین پر دئدیم،
 اوره گیمین باشیندا بالام کیمی بسله دیم،
 اوْنا ایشیق، نور وئرن چراغیدیر فرقه ميز.

من عاشیقم، شهرتیم بو ائللره بللی دیر،
 صداقتیم گون کیمی نسیللره بللی دیر،
 صداقتیم گون کیمی نسیللره بللی دیر،

عرب قانى

عصرىمىز انقلاب عصرى اولسا دا،
هله ده انسانلار قلىنجدان كئچير.
نسلىمىز عصيانلار نسلى اولسا دا،
باشىنين اوستوندن مين دومان كئچير.

يىرلىك شراره سى يانسايدي ائلده،
ظالم اوز گناھين قانلا يومازدى.
مظلوم اولماسايدي، مظلوم عملده،
ظالمين قلىنجى پاريلدامازدى.

لبنان اسرايىلين لينده يالقىز،
فلسطين چالخانير قان چاناغىندا.
عربلر ياد اولوب، اؤتور قيش، پايىز،
ياد گزير عربىن اوز تورباغىندا.

اى عرب! وطنى دينله بير داھا،
ائللرين ياراسى ساچاق - ساچاقدير.
لبنانين قايسىن آچان اژدها،

ساغ قۇلوم قطع اولسا دا، غزەلنمە سۇلوم وار،
سۇلوم وارسا بدنە بس دئمەلى قۇلوم وار،
من آل گونشدين دورو جهانشمول يۇلوم وار،
بو يۇللارين سۇنمەين اوجاغيدير فرقه ميز.

ايلدير يملار دم به دم باشيم اوسته چاخسا دا،
وارليغيما افترا، بهتان داشى ياغسا دا،
سۇن نفسيم دۇداقدان قطره - قطره آخسا دا،
يور دو موزون نغمه كار دۇداغيدير فرقه ميز.

منه ديمه ين قورد ياشاسين مين ايل.
آما ييلمىدى كى، قوردون خصلتى،
رحمت قانونونا اويوشان دئيل.

فلسطين گوز ديكيب سته ايناملا،
اونسوز نيل چايندا سولار دورولماز.
بوغازدان يوخارى چيخان كلاملا،
زامانين نبضيني اوخوماق اولماز.

حريين مقدسدير، سنين اى عرب
توفتگين ناموسون اوز شرفيندير
سنى زيروه لره قالديران، غضب
سينن اوز ديله گين، دوز هديندير

دوشمنين، منيم ده دوشمنيمدير بيل
ديليميز آيريسا، اوجاغيميز بير
قوى انسان جيلديته گيرن اسرائيل
بيلسين دونيا بئله گئتمه يه جكدير

بيز شاهين دفتينه فرمان يازاندا.
قانلى دويوشلرده سيتانميشام من،
سن اوز ارادته اينانماسان دا،
سينن قدرتيته اينانميشام من.

سنين ده قاينندان بۇيلانا جاقدير.

ای عرب! امریکا غضبده، کينده،
دئمه يين بو بلا فلکدن گلير.
جاوانلارين قانی قدح لرینده،
کۆرپه لرین سسی بلکدن گلير.

آفریقا، آسیا سس وئیریر سیزه،
بس قانی قانیندان عربلر هانی؟
آمریکا، اروپا سس وئیریر سیزه،
بس جانی، جانیندان عربلر هانی؟

مظلوم کلمه سینه قونماير قوشوم،
قوی ائلر قیناير، قیناسین منی.
ای عرب دردینه داغلاریم، داشیم
یاسلی دیر گۆینه دیر بویاسین منی.

عربین غیرتی ضرب المثل دیر،
بس نئچین یادلارین گزیر اویناندا.
دۆرانین صاباحکی حؤکمو گۆزلدیر،
سن اؤز طالعینه بارشیماسان دا.

اجدادین سۆن قۇطدو بوت پرستلیگه،
دئدیلر سجده یه بوت لر یاراشماز.
ییلیرم ایندی ده، ییلیر سن یشنه
عربین روحنا کدر یاراشماز
کیمسه اؤز قینینا چکیلیب دئدی،

يانير آزادليغينين مشعلنى ايرانيميزين.
آلتى قارداش يعنى شش گوشه‌لى ايرانيميزين.

آلتى قارداش دۇغولوب دۇغما ايگيد شير آنادان،
هامى قارداش كيمى، لاي - لاي ائشيدىب بير آنادان،
غملى گونلرده دئيين، كيم دۇنه جكدير آنادان،
آناميزدان ساريدير عصيانى ايرانيميزين،
قانلى يۇللاردا گئدير كاروانى ايرانيميزين.

من ده قارداش ساييلان آلتيلاريندان بيرى يم،
آذرستاندى ائليم، بس دئمه‌لى آذرى يم،
قوى ائشيتسين بو جهان هر نه قدر من ديرى يم،
قۇمارام اسكيك اولايير توکو ايرانيميزين.
قلىمىزدن قان آليدیر کؤکو ايرانيميزين.

يئددى باش، يئددى جانى اولسا دا اولسون ياغينين،
قدرتيمدن سارايىب، رنگى قاچيب بايراغينين،
بو خطر شيپورودور غربه، وطن تورپاغينين،
دالدادير سۇن يوروشو، حملەسى ايرانيميزين.
نقطە سيزدير هله بو جملەسى ايرانيميزين.

مغرور اۇلدون يئنه ترلان، هله چۇخدور ايشيميز،
هله ده قان ديله بير وارليغيميز، گرديشيميز،
وحدتيندن بو ائلين اولماسا بير آرتشيميز،
گۇلەجک انقلابين دوشمنى ايرانيميزين
آيهجک باش سولارا يئلکنى ايرانيميزين

آلتى قارداش

دۇلانير اۆلكه لرى شهرتى ايرانيميزين.
انقلاب آدلى اولو نهضتى ايرانيميزين.

سينديريب نعره چكن دالغالارين شهپرينى،
سانجيشام سينه مه پارلاق ظفرين اخترينى،
تيتره ديب انقلابيم دونياميزين محورينى،
يشنه هر ياندا گئدير صحبتى ايرانيميزين.
دونيانى واله ائديب ملتى ايرانيميزين.

آذرى، فارس، عرب با هم اۆلوب سنگريميز،
آلگيميزدان بير آخيىب، چشمه كيمى قان - تريميز،
تركمين، كرد، بلوچدان يارانيب لشگريميز،
آلتى قارداشدى ييزيم همتى ايرانيميزين.
آلتى سیرداشدى ييزيم غيرتى ايرانيميزين.

آريامهرين ياپيشيب تاخت - تاجيندان ائليميز،
سيلكينيىب چيخدى يازا باج - خراجيندان ائليميز،
ذوق آكیر گۆيده اوچان هر توراجيندان ائليميز،
جانلى سينفونىادير نغمه سى ايرانيميزين.
نغمه سيندن دۇغولوب گور سسى ايرانيميزين.

آلتى قارداش غلافيندان چيخاريىب خنجرينى،
قويدو تابوتا قارا پهلونين پيكرينى،
دارايير سئوگيلىسى انقلابين تئللرينى،

آلتیزداكى قيريشيقلار شيريم - شيريم
 باشينيزدان اؤتوب كئچن هر ايلدير
 من بيليرم، من بيليرم ننددير او،
 دئمه بو درد بوگون صاباح اؤتندير او.
 گتيرميشم سحر يمين عطرين سيزه،
 گۆي گۆلومون، خزر يمين عطرين سيزه،
 آچ قلبيني وراق - وراق دانيش گولوم،
 گل، يانيمدا دايان سۆلدوش، ساغديش گولوم،
 «اودلار يوردو» نور قاناتلى گۆيرچيندير،
 باهار گۆزلو، سحر اوزلو اؤز ائلچيمدير.

يشنه ياخدى نيسگيللريم يامان منى،
 وطنيمدن - وطنيمه زامان منى،
 آتدى، مندن آيرى دوشدو باكيمنيم،
 باكيمنيم، كۆكۆم منيم، ايلكيمنيم:
 - سن شعريمه داياق اۆلدون عملينله،
 بئشيگيمده ييرغالانديم اؤز الينله.

گل آديمي ديدارينا يازدير باكى،
 اللى ايلليك هجران مگر آزددير باكى؟
 حسرتينده من اسميشم آسيم - آسيم،
 دانيش وطن، سندن سؤنرا كيمندير كسيم.
 آكئيمداكى تريم سنين،
 شعريمداكى پريم سنين،
 چوخ دئميشم اؤز - اؤزومه:
 - گرک دؤزم هر دؤزومه
 وطن مگر دانار منى؟

وطن جمعيتى

آنا يوردون بوداقلارى چينار - چينار،
 بير آغريدان سيلكه لندى يارپاقلارى.
 سېه لندى اوزاقلارا ديار - ديار،
 آنا يوردون گۆزلرينده غم غبارى.

بالام دئيه حزين - حزين گلدى ديله،
 كۆنلۈندە آه، آليندا تر گيله - گيله.
 سن آنانين قلىينده كى نيسگيله باخ،
 اوگون كۆرپه وطن دۇغدو آنا تورپاق،
 آدى «وطن جمعيتى»
 قلىينده قان محبتى.

ياراقلاندى، داراقلاندى كۆرپه وطن.
 اوزاقلارى ياخين ساندى كۆرپه وطن.
 دۇلاندىقجا هر اقليمده چار چكدى اۆز
 نفسينده هر نه گوجو وار، چكدى او:

- سيز اى وطن - وطن دئيه اسنلريم
 غربت ائلده طالعيندن كوسنلريم.

باھار گليز

نه باخير سان گشتدن باھار؟
گيلئيليسن مندن باھار؟
قلييم سنين، شعر يم سنين
كيم آيريلار سندن باھار.

سۇن قويموشام ياسا، غمه،
سسيم ياييلميش عالمه.
سحر چاغى گول عطر ينى،
دۇلدورورام پيالمه.

سئيره چيخاق ائل باغينا،
باخ اوزومون آغليغينا،
شام يانديراق، مجلس قوراق
شن باھارين ساغليغينا.

گونش قالخيپ دان يثرينه،
شانه چكيز تئلرينه.
انسان باخير حئيران اولور،
طبيعتين سحرينه.

باھار گليز، ياغيش ياغير،
گۇيدن يثره گوموش ياغير،
اۇ دۇداقدان، بو دۇداھا
آلقيش ياغير، اۇيوش ياغير.

وطنمىدن، وطنمه باخديقجا من
 بيرسس گلدى... آهيم قويدو جيگرىمىدن.
 آنام منيم، آرхам منيم بو سنى سن؟
 سن خزين عطرى ايله بزنىسن
 منى عزيز دوست سسله دين من ترلانام،
 آزغىنلارا ميدان دئين، شن ترلانام.
 آراز اولوب گوى خزره آخينجا من،
 جان وئرمه رم مرد الينى سيخينجا من.

۱۳۶۹

گلميشم

سالام دۇغما وطن، سالام اى باكى،
دئمه حضورونا تشجه گلميشم.
علوى خاطره لر ساريب قليمى،
سانكى زيارته حجه گلميشم.

گۇرۇش دوك، ويران ديم، آبادام ايندى،
قى ووران قارتالا قانادام ايندى،
يۇللار اسيريديم، آزادام ايندى
اوغروندا عۇمرومو خرجه گلميشم

حسرتيم قۇجالدى، سنسيز گولمديم،
شكلينى گۇزومدن بير آن سيلمديم،
دانين دۇغماغينا دۇزه ييلمديم،
ايلي بير آخشامدا، گنج گلميشم.

گنج ايديم آيريلديق، نه يدى علاجيم،
زاي اولدو ارشيم، سۇلدو آرخاجيم،
باشيمدان دوشسه ده جاوانلىق تاجيم،
ايندى شۇوقون ايله گوجه گلميشم.

زامان ايللريمه، كۇلگه سالسا دا،
منليگيمي بۇشا، برکه سالسا دا،
عۇمرون يىتميشينده تنگه سالسا دا،

گۆزیده بولود قالاق - قالاق،
طبیعییتین حسنونه باخ،
فصیللرین قان قارلاشی،
باهار گلیر بیزه قوناق.

باهار گلیر، یئر آییلیر،
جانیمیزا جان یاییلیر،
تاجی قبره قویان گوندن
اثللریمیز ائل ساییلیر.
دوستلار آچین پنجره نی،
گزک داغی، هر دره نی،
سیز او یاندان، بیز بو یاندان،
سثیر ائدک بو منظره نی.

باهار گلیر، تۇرپاق گولور،
اولدوزلاردان نور تۇکولور،
اوقۇقلرده نارین - نارین،
آل قیرمیزی دان سۇکولور.

باهار گلیر هر گوشه ده،
جللادین عۇمرو شیشه ده،
شادلیغیندان سروه دۇنوب
بوینو بوکوک بنفشه ده

گونو - گوندن او جالمیشام،
شاه باشیندان تاج آلمیشام،
یوز ایل عۇمور آز دیر سنه
شاعر دئمه قو جالمیشام.

شا پور بختيارا

خارجده ائتديگي نطق مناسبتله

۶۵

اؤنداکی، طغیان ائلدی انقلاب،
دوشدو شاهین هئیکلینه پیچ - تاب،
چولغالادی سلطنتی اضطراب،
سؤیلدی امداد یما گل بختیار.
سسله دی فریاد یما گل بختیار.

اؤیدون الین ممرضانین سن همان،
بنده لیگی وئرمک اوچون امتحان،
تا عمو سامدان آلاسان بیر نشان،
کارتره قویروق بولادین بختیار.
ایت کیمی واختسیز اولادین بختیار.

آلدین اله قامچینی، میندین آتا،
دربارین آچدین قاپیسین تای باتا،
خالقی ساتیب ائتمک اوچون کودتا،
گؤر نه پریشاندير حالین بختیار.
ملته روشندير حالین بختیار.

خالقیمیزین انقلابین دانلاما،
آمریکانی، انگلیسی یانلاما،
اؤز باشینا نطق ائله ییب بانلاما،
خالق اوچوروب تخت، تاجی بختیار.

دئمه قوجاغيئا دينجه گلميشم.

اۋزون شانه چكدين قيوريم ساجيما،
خزرين سويوندان تۈكدون اۋوجوما،
ايندى اۋنونده يم... اۋتن بورجومما،
باش آيب قيمته، آرجه گلميشم.

طاليميز آجي، عۋمروموز گوده،
حاق - ساي دئمه يه، امديگيم سوده،
وترديگين الهامما، پنده، اۋبوده،
قوشلارين سسيندن اۋنجه گلميشم.

ييليرم دردلى سن، ييلمه سم هئچم،
گلميشم دردنى يارانندان سئچم،
قاراباغ دوزونده، سنگردن كئچم،
دئيم وطنيمده ونجه گلميشم. دهس

گۈرورم حوسنونه قۈنويدور كدر،
گلميشم من ده بير فدائي عسگر،
قلميم زيروه لر، جۈوهريم خزر،
سانما كۈمه گينه تكةجه گلميشم.

صيادام آتماغا تۈروم وار هله،
چينارام بوداغيم، باريم وار هله،
ترلانام آتشم، ناريم وار هله،
اوغروندا عۋمرومو خرجه گلميشم.

صمد ديريدير

ديكىلىپ گوزلريم سونسوز يوللارا،
باخيرام ايلان تىك دولانير گئدير.
آخيري دير ماشير قاياليقلارا،
باشيندا بولودلار قالانير، گئدير.
الينده يولچونون دمير بير عصا،
داغلارا بويلانير، دايانير، گئدير.
باخير ياماجلارا، اوچوروملارا،
غضبى قلىينده اويانير گئدير.
خيالى شاهلارين قانونلارينين،
غبارلى رنگينه بويانير گئدير.
آخيري بير يانا چيخمايان يولون،
عئيه جر دونياسين هي آنير گئدير.
كوللوک كناريندا گوزو دوشنده -
«اولدوز»، «ياشار» اوتانير گئدير.
محروملار قاپيسين آچاندا هر گون،
باشن چكىر هر ائوه بويلانير گئدير.

قارتال يوواسيندا قوزغون گورنده،

يۇخدو سنه احتياجي بختيار.

سيم و زر ايله قالادين خورجونو،
قاچدين ايراندان، گتير، وئر بۇرجونو،
ملت ايران اۇخويوب اۇوجونو،
نقشه لرین توتمادی باش بختيار.
اۆلدو شاهين حيله سی فاش بختيار.

قۇزادی باش ائل غضبيندن كولک،
ترسینه دۇوران ائله يير دی فلک،
ايستدی شاه ملته گلسين کلک،

وئردين اۇنا قول - قرار بختيار.
معرکه دن ائتدی فرار بختيار.

سن رۇلونو اوينادين آرتيست کیمی،
چم - خم آتان عشوه لی بير قيز کیمی،
دالدا دا آن قۇرخولو ايبيليس کیمی،
اۆلما دی بختين سنه يار بختيار.
چونکی اۇيانميش بو ديار بختيار.

خۇشدو يترين ايندی سنه خارجه،
قۇرخولو رۇيا گۇروسن هر گئجه،
نقشه چکيرسن ايرانا گيزليجه،
پاه... حيان اۆلسون آکيشی بختيار.
يادلارا وئردين اۇپوشو بختيار.

اوجايلرسن

گۇرورم خيالىن باتىيدىر ياسا،
آزغىن دويغولارنى گىلمز قىاسا،
اللىرىن اليمدە داراخلانماسا،
دئىمە بويۇللاردان كىچىك يىلرسىن،

اۋزونون خۇكىمى وار، ھەر آيىن، ايلىن،
بىندىنى سىل يىوار آرخاسىز ائلىن،
ارضى قارىشلا يۇخ، يىن المىلىن،
پۇلاد آرشىنىلا اۋلچە يىلرسىن.

تارىخ بىر كىتابدىر، گۇتور وراقلا،
دۇستونلا دوشمىنى آيىر مارقلا،
اۋندا اليندەكى كىماس اۋراقلا،
تىكانلى كۇللارى بىچە يىلرسىن.

تاجلار پارچالاندى دۇغما ايراندا،
دانسان دا ايشىلتى وار آسماندا،
خالقىن انقلابىن قىام ساناندا،

اورە گى مین يىردن دۇغرانیر گئىدیر.
 شاعر دانیش گۆرک کیمدیر بو یولچو!
 قلبی ذرّه - ذرّه تالانیر گئىدیر.
 صمددیر، یوللاری ایشیقلاندیران،
 قارانلیق گئجه ده دۇلانیر گئىدیر.
 سانمايین صمد تک گۆرکملی انسان،
 اۆلرکن تۇرپاغا قویلانیر گئىدیر.
 یوخ! صمد دیریدیر، اۆلمه ییب هله،
 یولوموز، یولوندان جانلانیر گئىدیر.
 کاش آنام منی ده صمد دۇغایدی،
 بو خیال قلبیمه جالانیر گئىدیر.

يازيم اولماسا

شعريم گله جگه قۇل - قاناد آچماز،
گونش تىك لكه سىز اوزوم اولماسا.
بو ظفر مارشېندان سىس چىخارمى ھىچ،
عنادىم اولماسا، دۇزوم اولماسا.

انقلاب! اميدىن، عصرىن ھىمدى،
استقلال! كۇنلومون چاغلان دىمى،
آزادلىق! گون اولماز بىر جانان كىمى،
سىزىنلە بىش كلە سۇزوم اولماسا.

انقلاب ظلمتە، ياسا غنىمىدىر
تاجلارا اۇد ياخان وطن منىمىدىر،
وطنىن بايراقى اۆز كفىمىدىر،
ئىلىرىم بىش مۇتر بىزىم اولماسا

ندىر افوقلردە آلىشىپ، يانان؟
- اۇ خالقىن رزمىدىر، يانير دورمادان،
بوگونوم سحرە جالانماز ايتان،

گونشلى گوندوزو گئجه بيلرسن.

سنه اۆيونا قىمى گۆرونور زامان،
يۇللار آيرىجىندا قاليسان حثيران،
ترلان پروازىنا دقتله باخسان،
قارلى زيروه لرده اوچا بيلرسن.

مشروطه سرکوده لری

ستارخانین مزاری اوسته

گنجده دیر، یثنه ده خیالدا یام من.
دنیز تک دالغالی بیر حالدا یام من.
ایمده قلمیم، اؤنومده دفتر،
اؤتور خاطره مدن بیر - بیر کلمه لر.
اورک ده، بیر یاندان گلیب هیجانا،
باخیر اؤدلار یوردو آذربایجانا،
تثیله ییم اؤنومده ستارخان دورور،
گونشله یاناشی بیر انسان دورور.
اؤنونلا باشلانیر شعریمین آدی،
خالقیمین دیلینین لذتی، دادی.
بعضاً ده قلییمده دوشونورم من،
ای کؤنول! الهام آل شعر طبعیندن.
مشروطه شأنینه بیر داستان یارات،
اورک ده، وورمادان هی دئیر یارات.

بیر دسته گول باغلا سؤز اینجی سیندن،
ایگید انسانلارین بیرینجی سیندن.
یاد ائیله، هیکلی اوجالسین گۆیه،

صا باحا زىللىنن گۇزوم اۇلماسا.

استقلال! - بوزلارى اريدنده سن،
آزادلىق يو خودان اويانيئر اثركن.
گۇيرچين باخيشلى گۇزلرينىزدن،
نتجه الهام آليم، يازيم اۇلماسا.

آزادلىق! - اۇغلونام، گل منى دينله،
نيازيم، باهاريم گلير سىنيله،
نتجه چاتيم سنه اۇز كۇهلىمىله،
ميدانيم اۇلماسا، دوزوم اۇلماسا.

داغين زىروه سى دىر، ظفر نقطه سى،
هيجم وار ارى يير ظلمون عقده سى،
سۇنر منليگيمده عۇمرومون سسى،
منيم اۇ نقطه ده ايزيم اۇلماسا.

يۇل اوزون، دۇلاشيق، دوشمن ياراقلى،
اۇتن گونلرىمدن قلىيم يانيقلى،
چاتا بيله رممى، دمير چارقلى،
پولاددان آياغيم، ديزيم اۇلماسا.

ترلانام كۇنلومو غم يۇرا بىلمز،
خيالىم سئودادان يان دورا بىلمز،
نفرتيم دوشمنى ياندىرا بىلمز،
آلۇرووم اۇلماسا، كۇزوم اۇلماسا.

بیر قبرین باشیندا دوردوم بیر آنلیق
 آختاریب سردارین تاپدیم مزارین،
 ایستدیم کی، دئییم منم زوارین.
 گوردوم آرامگاهدا بیر هنیرتی وار،
 اوچ نفر قول - بویون اؤتوروب اؤنلار.
 اؤرتادا شعله سی تیتک شام یانیر،
 عؤمرو توستو کیمی گۆیه قۇزانیر،
 نگران گۆزلرین آلیب غم - کدر،
 هر اوچو جان دئییب، جان انشیدیرلر.
 من اؤز خیالیمدا دوشوندوم آنجاق:
 - زوآردیر، سردارا گلیبلر قۇناق.

باخارکن، قورودوم، قالدیم یثریمده
 گوردوم یانیلمیشام اؤز نظریمده
 - ستارخان اؤزودور، باخدیقجا باخدیم،
 حسرتله گۆز یاشیم آخدیقجا - باخدیم.
 باقرخان سردارین اؤپور اوزوندن،
 دوم - دورو گۆز یاشی آخیر گۆزوندن.
 حیدر عموخلو دا پاپاق باشیندا،
 هم کدر، هم سئوینج وار باخیشیندا.
 یثریدیم ایره لی، باخدیلار منه،
 سانکی گولومسه دی مین باهار منه.

ستارخان:

- آی بالا سن کیمن؟ یاخین گل گۆرک،
 یورغونسان، سیننده چیرپینیر اورک.
 سۆزلریم دیمه سین خاطرینیزه،
 خوش اۇلار اؤزونو تانیستان بیزه.

يۇخسا اۇيۇنمە چۇخ شاعرم - دئيە.
 مردادين اۇن دوردو عزيزدير بيزە،
 بونده فرعونلار چۇكوبدور ديزە.
 بابام يۇنجا يىدى مشروطە آلدی،
 آرزوسو، حسرتی گۇزۇندە قالدی.
 تېرىزىن اۇ زامان تنگەلريندە،
 قارانلىق يۇغۇلدو آل سحريندە.
 «شجاع» نين قۇشونو اۇلدو تارومار
 زامانين دم به دم آيرى حۇكمو وار.
 وکیللر سئچیلدی، قورۇلدو مجلس،
 مشروطە لباسين گئيیندی اییليس.
 يشنه كۆهنه حمام، كۆهنه تاس اۇلدو،
 وكالت اوستونده باسا - باس اۇلدو.
 يشنه شاهلار اۇلدو خالقا حۇكمران،
 استبداد اوزونه آچیلدی دۇران.
 گلین هارایما دوشونجه لريم!
 دوزولسون يان - يانا سۇز اينجی لريم.

گئديرم سردارين مزارى اوسته،
 آخى، اۇردا ياتير او كۇنلو خسته.
 «رى» ده قوجا قلايب ابدیتی،
 بلکه الهام اۇلسون منه تربتی.
 شهرى يۇلۇندا قالیب گۇز لريم،
 گئديرم، قدرته گلیب دیزلريم.
 صاباح بايرام گونو، بوگون آخشامی.
 شهیدلر قبرينده يانديراق شامی.
 هر مزار اوستونو آلیب قارانلىق

ايندى نه شاه واردير، نه سلطان، نه خان،
 اوڭلار تاجلاريني آتيب باشيندان.
 خالقين قدرتيندن دوغان انقلاب،
 گونشين گوزوندن آچيدير نقاب.
 اولدوزلار دوواغين آتيب اوزوندن.
 حيدر عمو غلو:

- ياخين گل، قارداشيم اؤيوم گوزوندن.
 گومولموش تۇرپاغا تاجلار دونياسى،
 اۆيانميش يوخودان آجلار دونياسى.
 نه لراثشيديرم، اولو سرداريم،
 آرزوموز گول آچيب منيم سالاريم.
 آچيلدى آسيانين دروازالارى،
 وار اولسون حرّيت، دوستلوق ايلقارى.
 گلين بو ظفره بير مجلس قوراق،
 باقرخان:

آزادلىق نغمه سين گۆيه قالديراق.
 بو بؤيوك مژده دير بوتون خلقته،
 شاهلار بير انگلدير بشرّته.
 آه وطن، بيليرم سن نه حالدا سان،
 يارانديغين گوندن قالما قالدا سان.
 آه تبريز، نه قدر عزيز دير آدين.
 بۇغولموش هر زامان سنين فريادين
 شاهسيز بو ايامدا دۇران سنيندى،
 قاپيلار اوزونه آچيليب ايندى،
 بيليرم يۇللاريز تيكانليدير، من
 ستارخان:

- بيزه تجربه دير مشروطه ميزدن

بو گۇرۇش ايللردن قالىب يادگار،
يىغىشار باشىما قديمكى دوستلار
بو سالار، بو حيدر، يىلمك ايستەسن،

شاعر:

۷۶

- اۇنلارى چۇخداندير تانييرام من.
نە قدر خوشحالام زوارام سيزە،
گرک آلقىش دئيم ارادە نيزە.
- اى سردار من سنين شاعر اۇغلونام،
منى دە سنگردە دۇغويدور آنام.
ايسترم آدينا بير داستان يازيم،
گوللرى سۇلمايان گلستان يازيم.
«سعدى» بير عماندير، مگر من نەيم،
من اۇنون يانيندا كيچيك ذرەيم.
گلدیم كنارينا، دئديم تربتين،
الهامى يارانسين بو شعر يتين.
ايندى سيزنلەيم، چۇخ دا خوشحالام

ستارخان:

قورو بير تاختادير شعير سيز كلام.
شعير جبهه لرین دۇيوش مارشيدير،
اۇنسوز كئچن عۇمور مزار داشيدير.
شاعر درد ليرىمى تازه لدین سن
تبریز صحنه لرى اۇتور گۇزومدن
يشنه ده گلसे يديم دونيا يا بير ده،
سالاردیم بير داها شاهلارى درده.
نفرت تاج گزديرن تاجدارلارا.

شاعر:

قوى موشتولوق وئريم بۇيوك سردارا.

اۋدور خالقىمىزىن قهرمان اوغلو،

باقرخان:

- شىكستە نفسىلىك ائىدىر عموغلو.
انقلاب قۇيتوندا بۇى آتدىن ازل،
دۇيوشده، دۇيوشلر ياراتدىن ازل.
تبرىزىن يايىندا تۇزا بوروندون.
قىشىندا قىرووا، بوزا بوروندون.
ائىل اوچون ياشايدىن، شىعارىن وطن،
فقط بو درد ايدى سنى گۇنىنه دن.
اۇ زامان تاجلارا بىسلە دىگىن كىن،
عكس اۋلدىو شىعلەسى گۇزوندە اركىن.
هر دفعه جبهه ده سنده كى تدبير،
بىزى معره كه دن قورتاردى بىر - بىر.
تارىخ سجدە قىلىر مرد انسانلارا،

شاعر:

- عشق اۋلسون تارىخى يارادانلارا.
باخىن اوفوقده كى آيين رنگينه.
گونشدىن آلدىغى پايىن رنگينه،
اوچ مىن ايل تۇرپاقدى سورونن انسان،
چىغىيدىر شاهلارنى غم لباسىندان
آچىلىپ آسيانين دروازالارى،
اسير آمريكادا ماتم روزگارى.
قۇجا آفريقا دا چايتىب قاشىنى،
چالير «آغالارا» اۋلوم مارشىنى.
اى، سردارا دگىشىب گۇردوگون جهان،
توتموشوق سىز گئىدىن يۇلون قۇلوندان.
گئىدىرىك ايره لى، آيىق، قلبى شاد،

دنديک قۇى اوچولسون كاڭلار، سارايلار
 دۇيوشدوك دوشمنله هفته لر، آيلار
 قبله عالملىر يۇخ اۇلسون دنديك،
 چۇرك عوضينه اوت - علف يثديك
 دايانديق تئزارين، دوردوق اۇنونده
 سالار دا، حيدر ده، مسيو دا، من ده
 بير ده يوردوموزون ايگيد آرلرى.
 قازاقلار اليندن آلدیق سنگرى
 مشروطه يازيلدى، مجلس آچيلدى
 دنديك يوردوموزا شفق ساچيلدى
 هيها ت هدر اۇلدو وئردىگيميز قان
 يثنه شاهلار اۇلدو خالقا حۇكمران
 بير زامان دۇيوشدوم دوماندا، چنده،
 تهران توك سالاردى آديم گلنده.
 شاعرلر چيخاريب بيزى ياديندان

حيدر عموغلو:

- ايندى ده تيتره بير دوشمن، آديندان.
 حيات بير عماندير، اى اولو سردار،
 اۇندا سكوت دا وار، تلاطم ده وار.
 انسان باشدان باشا مبارزه دير،
 اۇنسوز اوجو سينيق بير سرنيزه دير.
 ئشيلر تك جانينا چيرپيتان اورك،
 اللرال اوستونه قالانسين گرگ.
 دامجيسيز اومما گل هر دنيزدن،
 مشروطه آليندى بيرليگيميزدن
 بو هنر، بو بيرليك سنيندى سردار
 بير ده قارداشيميز بو ايگيد سالار.

تبریزده قازیلسین منیم مزاریم.
اؤرادان هئی باخیم قاراداغا من،
افسوس کی، بو آرزوم چیخدی الیمدن،
گوزلریم غربتده، یوللاردا قالدی،
حسرتیم دومانا گۆیه اوجالدی.
دوغرودور بورا دا وطندیر منه،
آما ری چاتارمی تبریز عطرینه.
خواهشیم ده بودور قوی دئییم سانا،
اگر گئدن اؤلسا آذربایجانا.
تبریز تورپاغیندان بیر اوووج ایسته،
کتیرب سبکینن قبریمین اومسته
قاراداغ عطرینی آلیم من اوندان
دئییم یاشا وطن ای آذربایجان

گله جک نسلیمیز یاشاسین آزاد.
ای سردارا دانشین اؤلسا احیاناً،
سۆزوندن سۆووندان آذریایجانا.
بویورون! یۆرسام دا بو ایام سیزی

ستارخان:

۸۰

- شاعر سئویندیردین بو آخشام ییزی
ای اۇغول قولاق وئر قوی دئییم باری،
ییزیم مشروطه ده گئندن یۇللاری.
سیز باشا ووردونوز مین بیر هنرله،
اوز - اوزه گلدینیز آیدین سحرله.
پاقونلو شاهلارا وورولان یارا،
ضربه دیر دونیادا تاجدارلارا.
سلطانلار نامینه سۆز گئندن زامان،
اۇنلار نفرتیم اۇتور یادیمدان.
آما اوره گیمده بیر مطلبیم وار،
ییزه دؤیوشلرده اؤلوب آشکار.
سؤنسه ده چیراغی تاجین ایراندا،
سانمایین پارلاییب گون آسماندا.
هله دوشمن صفی قاتار - قاتاردیر،
حیله سی، تزویری، مین دؤنو واردیر.
سئللر منلیگینی تاپار دنیزده،
سیزین ده ظفریز بیر لیگینیزده.
شاعر دان اولدوزو اوزقدان باخیر،
بیر درد وارلیغیمی یاندیریب یاخیر.
قوی دئییم سۆزومو، آچیلیر سحر،
بیر آزدان یوخودان اویانار ائللر.
ازلدن بو اؤلوب عهدیم، ایلقاریم،

يوردوم ستمه، ظلمه، ظفر طبلىنى چالمىش،
بو فتح، ظفر، قان تريميزله سووارىلمىش،
آقىش، بىله بىر ملته، شن رهبره آلقىش،
هر يۇلدا، جيغىرلاردا آخان قان تريميز وار.
يوز مين وطن عشقىنده شهيد اختريميز وار.

دۇلر سۇكولور، كاخلار اوچور فريادىمىزدان،
غفلته ياتانلار اويانير ارشادىمىزدان،
قاشلار چاتيلير، سئل گۇز آچير گورشادىمىزدان،
سلطانلارين امريندن آزاد كشوريميز وار.
اىللر بولاغىندان سو ايچن لشگريميز وار.

كشچمىش قاراگونلرده هنر اۇلمادى ظاهر،
باش قۇزادى هر كيم، دئدىلر - اى متجاسر،
سينمىش قلمىمدن تۇكولور ايندى جواهر،
ياز سام نه قدر مطلبىمىز، منظره ميز وار.
آغ گونلره بۇيلانماغا كشن پنجره ميز وار.

اغيار اۇته بىلمز داها بو تۇرپاغىمىزدان،
يارپاق دره بىلمز داها يادلار باغىمىزدان،
هر كيم يىزى محروم ائده بو شن چاغىمىزدان،
قارتال كيمى سوزمكده دمير شهپریميز وار.
باخديقجا خزردن، خليجه داغ، دره ميز وار.

ترلاندير آديم، اىللره باغلانديم ازلدن،
اىلسيز، اۇباسيز كيمدى بونۇراقى دوزلدن،
غرىبن يوروشو اوستوموزه قويسا تملدن،

سنگريميز وار...

دۇردونجو ايله قۇيدو قدم قانلى دۇيوشلر،
 واردير هله ده اوستوموزه كينلى يوروشلر،
 غفلتده ياتيپ، ييلمىدى بو قان تۇره ميشلر،
 داش قلىينه سانجىلماغا مين نشتريميز وار.
 خالق آدلى ييزيم سئوگيليميز، كشوريميز وار.

يئلكن كيمي بختيم آسيليپ ساحيله اثركن،
 ساحيللره چاتماقدا كؤمكچيدى بو يئلكن،
 قوئ زىلله مه سين گؤزلرينى يوردوما دوشمن،
 مينلرجه شهامتلى، رشيد افسريميز وار.
 كارون بۇيو، آدديم باشى، مين عسگريميز وار.

داغلار، داغا چاتماز سا چاتار، انسانا انسان،
 قالميش بو مثل ييزلره كئچميش بابالاردان،
 بيرگون گله جك، حق توتاجاق باطله ديوان،
 بوندان سارى داغلار قوپاران صفريميز وار
 دوشمنله باريشماز قوجامان رهبريميز وار

آزادلىق ھىكلى

آزادلىق آدىنى داشىيان ھىكل،
وقارلا دايانىب، الينده مشعل.
باخير نيوبوركا، شيطان زرده،
سيخيلير وارلىغى اشكنجهلرده.
دئير: اى آمريكا، بسدير اوسانديم،
وجدان آتشىنده آليشديم، يانديم.
پولاددان اولسام دا ارييه رم من،
گور نئجه ايلدير يم چاخير گوزومدن.
ايچيمدن يانيرام، اوره گيمده قان،
سنىله يير يترده من اولدوغومدان.
بوسوزه كيم منه نه دئير دئسين،
كاش الى سينايدى او مهندسين.
او صنعت ياراتدى، آزادلىق دئيه،
وئردى آمريكاي امني هديه.
اوگوندن سنىله ياناشييام من،
اوتن گونلر يمىن سىر داشييام من،
اگر دوشمه سه ده آديم ديليندن،

گلسين، اؤنا ويتنامداكى درس، محشرىمىز وار.
باشدان - باشا يوردوم بۇيو عصيانلارىمىز وار.

شاعر دئىيلم، دۇنسم اگر انقلابىمدان،
نفرت ساجىلىر، اهرىمنه سۇز رىايىمدان،
خنجر كىمى شعرىمده كى كسگىن جاوايىمدان-ان،
فرياد اوجالير، ائللىرىمىز، سنگرىمىز وار،
توفانلارا لاي - لاي اۇخويان لنگرىمىز وار.
۱۳۶۳

ايران خالقينين سسى اوجالديقجا هر سحر،
دوغولور آل گونشين
گوزوندن شلاله لر.
باھارين اؤتموش سنین
ياخينلاشير خزانين،
زامان آدديملاديقجا

سۇنا يئتير دۇرانين.
بو خۇكمدورا يازيلميش سنین مزار داشيندا
سۇنه جكدير گور سسين
اثللرين آلكيشيندا.

اۇندا نورون سپه جك
اليمده كى مشعلیم،
يۇخسا ايندى ياراشمير
آمرىكايا ھىيكلیم.

باطنده قان دامير فتنه لر يندن.

سحر صلحه جان دثيب او ناقوربان کسير سن،

آخشام فانتوم بثلينده،

حرامی تک گديکده

پاميقلا باش کسير سن.

باير اغيندان کسيلميش، باش آسيليب آمريکا!

اورک دثيل سينندن داش آسيليب آمريکا!

گل حقوق يשרدن دم وورما سن جهاندا،

بوتون عالم بيليرکي، بوگون نه سن جهاندا.

مرتبه سی چاتسا دا سارايلارين دۇخسانا،

هارلئمه کی قارانليق داخمالارا باخسانا.

اورد ا مطيخ اييندن

قارغا گؤيده مست اولور،

بو ردا قارا کؤرپه لر

زييلليکده دۇغولور.

اورد ا غمه نه حاجت.

بوردا اولوم فلاکت.

قيلنجين قان تۆکسه ده

اوزون ايللر، فصيللر،

هاپ - گوپونا ييلمه دن

اينانسا دا نسيللر.

دوراجاغام صاباحکی شاهدلر کورسوسونده،

گۆره جکسن اؤزونو عدالت گوزگوسونده.

اچاجاغام صانديغي.

توکه جه يه م پامبيغي.

اوزاق دثيل اوگونلر، ياخيندادير آمريکا!

مظلوملارين پنجه سی، ياخاندادير آمريکا!

قدین اۇلار كامان دونيا!

گئجه گشتدی، دان آغاردی،
دئدیک اقبال ییزه یاردی.
کیم سؤورددو، کیم آپاردی
کیمه قالدی سامان دونیا!؟

سن دونیاسان آدین، سانین،
نشئه سی وار هر بیر آنین
حر به سیندن کۆر شیطانین
الده قالیب یاخان دونیا!

جان اوسته دیر «خلیج فارس»
معجزه دیر اولسان خلاص.
بئله گئتسه اینان قالماز
ساغلیغینا گومان دونیا!

شرقدن غربه آسن کولک،
مژده وئریر اتک - اتک.
قوی چاغلا سین شلاله تک
صولحه دؤنسون جاهان، دونیا!

دونيا

ييز يۇخ ايكن وارا گلدېك،
آمان دونيا، آمان دونيا!
هئچ ييلمه دېك هارا گلدېك،
آمان دونيا! آمان دونيا!

ياشا دۆلدوق، بۆى آتدېق ييز،
حس ائتمه دن سنى سنسيز.
بوگونوموز دونندن پيس،
گولملى سن يامان دونيا!

سۆل الينده الوان چيچېك،
ساغ الينده زاغلى توفنگ،
ازه ليندن اينديه دك
سن همانسان، همان دونيا!

بللى دئيل وارېن، يۇخون،
كىمدىر آجېن، كىمدىر تۇخون.
كمانېندان چيخا اوخون

سليمان گل، سليمان گل!

شعير لر ين سطر - سطر
كؤنلوموزه ساچير عطر.
«بالاش» دان دا خبر گتير،
سليمان گل، سليمان گل!

الده قلم سنگرده يم،
دؤيوشلرده، ظفرده يم؛
گنجهم كئچيب، سحرده يم،
سليمان گل، سليمان گل!

تبريز يولو چينار - چينار،
سن گلمه سن قليم سينار؛
سليمانى ائللر قينار،
سليمان گل، سليمان گل!

دئديم درده چاره تاپيم
شعله ساچدى انقلابيم؛
ايندى گولور سؤز روياييم،
سليمان گل، سليمان گل!

گؤزله بيرم «خوى» دا سنى،
ياسدا دئييل، تويدا سنى؛
گلن باهار، يايدا سنى،
سليمان گل، سليمان گل!
ايسته بير سن بو يازدا گل،

سليمان گل!

يۇللارينا اليমেده شمع
رستم دئييب سو سېميشم؛
ستين فيكرين اولوب پششم،
سليمان گل، سليمان گل!

منيم هيچريمده ياندين سن،
ستين هيچرينده يانديم من؛
شورنجيميز آچيب يثلكن،
سليمان گل، سليمان گل!

ارى يير يۇللارين قارى،
ييزه قوناق گل سن بارى؛
يۇخدور عۇمرون اعتبارى،
سليمان گل، سليمان گل!

سسينه چاتماير سسيم،
سندن سۇنرا كيمدير كسيم؟
قاباغيندا قوربان كسيم،

اوزانان يۇللار

باخدين اوزانان يوللارا

گىتمە - دىدىم!

گىتىدىن.

يولرموز ھاچالاندى.

نە قارا گىتىدىم، نە دە قىرمىزى

دۇشلىرىدە شىلالەلر شاققىلىتىسى،

تۇرپاقدا سارىلىق آزارى،

ناودانلاردا بوز سالخىمى،

اۋتوب كىچىدى پردە - پردە

مىسىنى آلدىم،

اوزانىب گلن يوللاردان

گىلمە دىدىم!

گىلدىن

آه، دۇغروسو حىيرانام

بو گىتىشە، بو گىلىشە.

آمما اينانمىرام

يىر داھا اللرىم

اللرىنە ايليشە.

دردینی قوی آرازدا، گل،
صاف گنجه ده، آیازدا گل،
سلیمان گل، سلیمان گل!

گل تبریزه، باخ قانلارا،
شاها قارشى عصیانلارا؛
«توی توتمو شام» سلطانلارا،
سلیمان گل، سلیمان گل!

ظولمت گنبدیب، دان سؤکولور،
شلاله تک نور تۆکولور،
دوشمنین بئلی بوکولور،
سلیمان گل، سلیمان گل،

شعر اوزاندی، گل اینجیمه!
فرح گلیب سؤز گنجیمه؛
گل شریک اول سئوینجیمه،
سلیمان گل، سلیمان گل!

یورسا اگر یوللار سنی
قوجاقلایار قوللار سنی؛
ترلان دائیم آنار سنی،
سلیمان گل، سلیمان گل!

رئىقان:

آھای، آھای قرانادا،
پاپاغىنى نەدن بىلە
يان قۇيوسان بو دونيادا.
قودوردويدور سنى چۆرك
قولاغىنى بورام گرک.
قرانادا:

سالام اۇلسوم پرنز دىنتە
قدم قۇيسان يىزىم كىندە
گۆرەرسن كى، پاپاقسىزام،
پاپاغىمى چالدىن اۋزون
چۆرك دىندىن، چۆركسىزم
تاباغىمى آلدىن اۋزون،
قولاق دىندىن، قولاقسىزام
قولاغىمى كىدىن اۋزون.
بىسدىر داھا اوتان، قاماش،
كلكلىرىن اولويدو فاش.
رئىقان:

ياواش يىرى آپارما باش.
يادىندامى اۋن ايل قاباق
سن آتامامان دىندىن .
اوتوسو بىر پىچاق كىمى
قارىز كىسن شالوارىما، تومان دىندىن.

قرانادا:

دونىادا بىر مىثل دە وار،
ھوشسوز اولار يالانچى لار.

قرانادا

آمريكانين قراناديا هجومو مناسبتيله

قرانادا!

كيچيك وطن، كيچيك آدا.

وطنلرين ان كيچيگي

دونياميزدا كاروان اولسب

اؤتنلرين ان كيچيگي

لبنان كيمي

يانير اؤدا

كارتيرگندير، رثيقان گلير

عصر يمیزی هده لهين

توفان گلير، دومان گلير.

رثيقان دئير:

بوتون جهان، بوتون اؤلكه

ممکن دئيل كناريمدا نفس چكه.

قرانادا

جاناوارلا بير قوزونون

احوالتين ساليير يادا:

سن دئديگين اؤن ايل قاباق
 اكمه ميشدى آتام منى
 دؤغما ميشدى آتام منى
 بس يوخ ايكن سؤيله نتجه
 من آتانا يامان دئديم؟
 شالوارينا تومان دئديم
 اؤندا يوخدوم، ايندى واران.
 رثيقان:
 اؤدور سنله يوخدور آرام.
 من رثيقانام، اونوتما گل
 باشيندا فيرلانير اجل
 ياديندامى كئچن گئجه
 گؤيلرده ايلديرىم چاخدى
 مشرق زميندن مغربه
 قويروقلو بير اولدوز آخدى.

خوزستانلى پارتيزان

خورمالىقلار كۆلگە سىنين،
بولاقلارى گۆزە - گۆزە.
گلىن، قىزلار سحر - سحر،
سودۇلدورور كوزە - كوزە.

ھاۋا ساكت، قولاق سىسدە،
يىر پارتيزان كۇنلو خستە،
ياختىلاشیر بولاق اوستە،
اطرافىنى سوزە - سوزە.

قىزلار دئیر: ای پارتيزان،
نەدن اولوب رنگین خزان،
سۇبلە، یوخسا یارالیسان؟
قانین آخیر، سوزە - سوزە.

- من بسیجم، بودور پششم،
انقلابا آند ایچمیشم،
اروندروددان کشچمیشم، و

ای کارگر ایره لی

ای کارگر!

ایره لی، ایره لی

مایین بیرى

آدگونون دور.

عصریمیزین آرخاسیندان

آخیب گلن،

یادگونون دور.

ای کارگر!

کوره گینده قامچی یئری

زۇلاق - زۇلاق،

صاحبکارلار دونیاسینین حؤکموئه باخ.

سن باخدیقجا قۇلونداکی

زنجیرینه،

دئیرسن کی؛ بو دنیا دا

بو زنجیردن سوای منیم

نه ییم واردیر،

نه صاباحیم

نه آینمده گئیم واردیر.

سن باخدیقجا قۇلونداکی

زنجیرینه،

هارای سالیر تۇخوندوقجا بیر - بیرینه.

آفریقادا، آسیادا

نه فرقی وار،

بو زنجیری پارچالایان قیران کیمدیر؟

غواص كيمى اوزه - اوزه.

كئچدیم دوشمن آرخاسینا،
داش باغلادیم یاخاسینا،
آتدیم عدم دونیاسینا،
من عراقی گزه - گزه.

۹۸

توفنگیمله بیر دوشمنه،
هجوم ائتدیم دؤنه - دؤنه،
او سؤن دمده باخدی منه،
دوداغینی بوزه - بوزه.

یوروش ائتدیم هنگ اوستونه
سئومدگیم رنگ اوستونه
سینه گردیم جنگ اوستونه
آزغینلاری ازه - ازه

انقلابی سئوب، آندیم،
وطنیمدن آرالاندیم،
غربت ائلده یارالاندیم،
آغریسینا دؤزه - دؤزه.

قیزلار بیردم پارتیزانی
آلقیشلادی مرد انسانی
دسته توتوب گول، ریحانی
یوللارینا دوزه - دوزه

يالانچى پهلوان

آگىنىدە اوۋىركوت، چىگىنىدە توفىگ،
سىنەسىن گرەرك اۋنومدە دوردو.
گۈركىمىندە وقار، سىنىدە آهنگ،
باشى بولودلارنىن گۈزۈن اۋيوردو.

دئدى: باخ آلتىما... ازلدن اۋردا،
يازىلمىش قهرمان دۇغولموشام من.
قانلى دۇيوشلردە بۇراند، قاردا،
قارتالام، شاهىنم، قارقوشام من.

قلىم سىغىشمايىر آسمانلارا،
اولدوزلار ھەمدىم، آى سىرداشىمىدىر.
اۋلىم دە قوشوللام كەكشانلارا،
گونش قبرىم اوستە مزار داشىمىدىر.

انقلاب بئشىگىم، اومىدىم سلاح،
تئىلەيم بو منىم طىبعتىمىدىر.
خالق دئە چكسم دە جىگرىمدن آه،

گونش اوزلو پرولتار.

بو دونيانين،

بيراھرمي وارسا اكر

الينده كي بايراغيندير

استعمارين مزارينا تورباق توكن

اينام آدلى داياغيندير.

اي كارگر!

دونيا دوروب سالامينا

شعاريندان آخيپ گلن

كلامينا.

آدديملارين متين - متين

آلنندا كي آخان ترين،

او حكمتين

دامجيسيندان

ايشيقلانير يئر كوره ميز

ياشيللانير داغ - دره ميز.

اوگون كي، سن

حقيم دثيه دانيشديقجا سنديكادا

شيكا قونون كوچه لري دوشور يادا

اوگونلرين خاطيرنه

بوگون سنين آدگونوندور

كشچن عصرين آرخاسيندان

آخيپ گلن، مايين ييري

شادگونوندور

اي كارگر!

ايره لي... ايره لي!

ترلانیڻ ھایی

مهربانلی شاعره

شاعر سسله بیردیم مهرباندا من،
چاتمیردی بیر یانا ھایی ترلانیڻ.
گون اۆلدو گورلایان سسینی آلدیم،
داغلارا بۆی دئدی، بۆیو ترلانیڻ

اوزونو بیر دفعه گۆرمه سم ده من،
تثلیمی - تثلینه ھۆرمه سم ده من،
سنه بیر دسته گول درمه سم ده من،
ایلک گۆروش... سئوینجی تۆیو ترلانیڻ

شاعریم ھارداسان؟ ھانی گور سسین؟
دۆیوش میدانیڻدا وورھا - وور سسین،
یاز، یارات، اوجالسین او مغرور سسین
دورولسون ھاواسی، سوبو ترلانیڻ.

درین بیر دره دیر، نشعه دن غمه،
شعریتین عطریله گلیمیشم دمه،

بو دا ائللريمه مجتيمدير.

اۇ باخدى گۇيلره، بير آه دا چكدى،
آچدى شھپرینی اوجالسين گۇيه،
دئديم: بو پروازين نه يه گركدی؟
اؤگئتدی گۇيلردن باج آلسين دئيه.

۱۰۲

مسله ديم: آي يازيق، خيال آتیندا،
نه دير فضالاردا قوردوغون چادير.
سن اوزون گۇيلرين يئددی قاتیندا،
ستودیگين خالق ايسه بو تورپاقدادير.

محتتيم اوجادا، بختيم درينده،
گوزونه تۇر قۇتوب گۇيون، يىرىن ده،
هله ده عسگر تىك سايىر يىرىنده،
سارابى، مرندى، خويى ترلانىن.

۱۰۵

گنجه دير، اولدوزو، آيى گۇرونمز،
قىشدايام، باھارى، يايى گۇرونمز،
يىر شعيير يازميشام تايى گۇرونمز،
سنه دير بو حقى - سايى ترلانىن.

۱۳۷۷

من همان ترلانام، آماندير دئمه.
هايي گنديب، قاليب وايي ترلانيں.

وطنين گزىلري سيرانگاھيمدير،
قلميم، ايناميم شن صاباھيمدير،
ديل دردى قليمدن قۇپان آھيمدير،
ازلدن بو اوڭلوب پايي ترلانيں.

ترلانام، ترلانا باخيپ آد آلدیم،
يتميشدن سڪسنه اؤتوب اوجالديم،
هله دئمه ميشم اي واي قوجالديم،
هانى بو اوچماقدا تايي ترلانيں؟

اؤزون مھريانلى، آدين «مھريان»
كند ايدى، شھرہ دؤندو آن - با - آن،
قۇيسا بير له لھي قانادلاريندان،
يىخار قايلاري قيسى ترلانيں.

«وورغون» بير عماندى، داغدى، هنردى
اؤنون هر شعرينه ائل گووه نردى،
وورغون اوڭماسايدى قيشا دؤنردى،
شعيري، باھاري، يايي ترلانيں.

متين دير قلمين، متينسن اؤزون
شعير له چاغلارين گنجن گوندوزون
يۇللار آيريجيندا، آختارسان دوزون
سسينه سس وئرر هايي ترلانيں

دوئيا دندى بو ادراکا مين احسن.
دمير ديشلى داراغيندا داراندين،
آخير چيخدين انسانلارا غنيم، سن.

گون چيخانندان، گون باتانا يئل اسدى،
ائندى يثره شهپر يندن بير لهلک،
آوروپادان واشينقتونا يئل اسدى،
دونياميزدا هم سئويلک، هم سئوک.

سنين بير جوت قانادين وار، ساغيندان،
هراسان دير يثرده انسان، گزيده گون.
بير گون سنى سئل قۇپارار تاغيندان،
بويا - باشا يئتيشنده ارکزيون.

سؤل قانادين اوميد، حيات، گۆي چمن.
داغ چاپيلار قدلتينله بو آندا.
گل سينه نه بير دسته گول تاخيم من،
قوزغون اولما، گۆيرچين اول جهاندا.

سينين اولو قدرتينه ياراشماز،
راکتلرين قوينونداكى دار يثرين.
چيخ گونشه، خيرله - شر باريشماز،
دونياميزين قوجاغيندا وار يثرين.

قارا قوزغون

آتوم سيلاحى نين لغو اولونما مقاويله سينين
باغلانماسى مناسبتى ايله

قارا قوزغون دايان دنديم! سئحيرلى،
طاعون كيمى سوروندوگون نندن دير؟
غضب دولو اولوم ساچان او كيرلى،
قارا دونا بوروندوگون نندن دير؟

كيمدير سنى تاخت اوستونه مينديرن؟
قانادين سىغال وئرن، حال توتان،
كيمدير سنى آسماندا دينديرن؟
اولدوزلارا ميدان دئين شارلاتان.

چكىلنده آدين، سوسور كؤره لر،
دم يئرینه بشيكلره غم دولور.
قى ووراندا نفه سيندن قوپان شر،
آنالارين گؤزلىرينده عكس اولور.

سن انسانين ادر اكيندان ياراندين،

آت اۆينادير، جۇلان وئىر كىمىندە،

سەن قايدىدان قۇوسان اۆنو اوتانماز،

پىنجىرە دىن باشىن سۇخار اوسانماز،

مىرىلدىنار، سىبىخە كىمى ياتانماز،

نقىشە چىكر بو شىهرە، او كىندە.

باغا گىرر، دىلە توتار باغبانى،

داش توللاماز جوت گۆرمە سە آلمانى،

ھاردا گۆرسە، اۆلۇب گىئىن انسانى،

گۆزو قالار بوروندوگو كىفنىدە.

غار ت ائىب چايدىغىنا سود دىيىر،

دۇشانا قاچ، تولكوىە دە توت دىيىر،

وئردىگى بىر آلدىغىنا دۇرت دىيىر،

زىھمار اۆلسون بىللە خودپىسندە.

گىلىن دۇبوش قىلغە سىنىدن اۆتك بىز،

صلح آدىنا داشدان دىوار ھۆرك بىز،

گون اۆلسون كى، اۆگونلرى گۆرك بىز،

ساغلىغىنا مجلس قوراق چىمىندە.

رئيقان گلير

رئيقان گلير، لاخلايبيدير اومباسي،
نوترون آتوملا دولودور تۇرياسي،
تهديد ائدير قولتوغوندا بۇمباسي،
آوروپادا، آسيادا، يمنده.

نثفت اييني او تئز دويور، تئز قانير،
فانتوم وئرير، وعده وئرير حاللانير،
گاه دا قيزير، شيللاق آتير توللانير،
دئبير دونيا نه سنده دير، نه منده.

آمريكادان هر نه دئسن باش وئرر،
كلک قورار، زريشرينه داش وئرر،
حيله گلر، گؤزلرينده ياش گلر،
كاسادليغي بازاريندا گؤرنده.

رئيقان گلير، صلحو گؤرور منگ اولور،
دونن آرتيس، بوگون تيمورلنگ اولور،
عصيان گؤرور، دونيا اونا تنگ اولور،

ايندى ندىندير بئله؟
آسماندا توى - دوگون
گۆز وورورلار ارکۆيون
تهرانين اولدوزلارى.

بىر زامان قمرخانىم
بولودلاردا چادرا تىك
بورونردى ياشماغا.
دئير ديم مندن كوسوب،
حاضر دئىل منىمچون
اوره گىنى آچماغا.
ايندى گۆز وورور منه
آچىب اؤز سینه سىنى
دئير قرباندير سته.
گۆزوم قالىب سىمادا،
گولور عشقين ايلقارى
آسماندا نور تۆكور
تهرانين اولدوزلارى.

دان اولدوزون اۇياشدا ن
قاش - قاباخلى گۆرردىم،
گاه دا چكر ديم نازىن...
اؤنون توزلو، غبارلى
تئللىرىنى هؤرردىم.
ايندى تبسم دؤلو
دؤداغىندا ن بال دامير.
دؤنكىنه اؤخشامير.

تهرانين اولدوزلاری

گۆر نئجه آسماندا
جلوه لنیر گلین تک
تهرانین اولدوزلاری.

هر اولدوزدان رنگ - به - رنگ
نور تۆکولور اوزومه.
گۆز وورورام، مین یثردن - گۆز دیکیلیر گۆزومه.
هر بیر یسی بیر اینجی،
الهامیمین سئوینجی،
تهرانین اولدوزلاری.

طاغوت زامانیندا من
بئله پارلاق گۆرمدیم،
تهرانین اولدوزلارین.
سؤنسوز المدن سوای،
باشقا سایاق گۆرمدیم
تهرانین اولدوزلارین.

ييزيم نفيميمز وار،
ايندى مين داستان دئير
اوخونمايش هر كتاب
قيزيل خطله حك اولوب،
بايراغيندا انقلاب.
اودور عرش فلکده
ديللنديرن سازلاري.
ساغليغينا ال چالير
تهرانين اولدوزلاري.

۱۳۵۸

هؤروکلری شلاله،
سانکی ییتیپ وصاله
تهرانین اولدوزلاری.

سسله دیم دان اولدوزون
دئدیم گل آچ بوسیرری
ای سحرین جارچیسی.
هارد اقالدی دوننکی
غملی باخیشلاریندان
دوغان دردین آجیسی،
یوخسا آنامیز گونش
تازه بیر اوغلان دؤغوب؟
بلکه ده بوندان ساری
جلوه لنیر هر گئجه
تهرانین اولدوزلاری.

نازلاندی دان اولدوزو،
دئدی: غافیلسن ندیر؟
یوخسا دئییرسن بیزه
اولدوزلار افسانه دیر.
بیزم ده عشقیمیز وار
اونسوز غنچه گول آچماز،
شاهلار حؤکم ائدن ائلده
اولدوزلار پاریلداما.
بیزیم ده حسی میز وار،
نوروموز مسیمیز دیر.
یثرین دامارلاریندا،

گۈزلىرى يىددى رىنگلە بويانان،
يىرى گۈردۈ.

زىرۈە سىندە بولۇدلار قالاق - قالاق
كۈكسۈندە مۇداللار قاتار - قاتار
گۈزلىرىندە قارا گۈزلىك

سىنەسى

اۋزۈندىن قاباق

بىلىندىن آسىلمىش سىلاخلار
آتوم بىماسىندىن تۈتمۈش
راكتىتە، تۈپا، تانكا قىدر
دۈنيانى گۈرن كىمى

تانىمىشىدى آى

اۋنۈن جىلالىنى گۈرۈب
اۋنۈندە اگىلدى قات - قات.
دۇدى:

«منىم بىر آدىم آى دىر،
بىر آدىم قىمر.

قۈنشۈلۈقدا كىچىك اۋلسام دا
خۇرمىتىنى پۈزما مىشام.

گۈنشىن نورۈنۈ

سنى باغىشلاسام دا،

بۇيۈكلۈگۈنۈ، كىچىكلىگىگە يۈزما مىشام.

آمما سىن منىم

سۈكۈتۈمۈ پۈزۈب،

مىنلگىمى مىندىن آلىب،

يىللە سۈرۈرسان.»

يىر دۇدى:

ينرله آيين ايلک گۇرو شو

دهشتلى بير سسدىن
 يوخوسوندىن اۆيلىدى آي.
 عۇمرونده
 گۇرمىدىكى،
 يىلمىدىكى،
 منظرەنىن قاباغىندا دايلىدى آي.
 - بوندىر؟ هيهات!
 يوخسا تىلىندىن دگىشىيدىر كاينات.
 قايىما داش آتان،
 اۆزومو، اۆزومدىن بوشادان
 كىمىدىر، كىم؟
 ازلىندىن منم
 بو يىرلرە حاكم.
 قەھقەھلى بىر گولوشدىن
 دىسكىندى آي
 قاشلارى چاتىلدى،
 پنجرەنى آچدى تاي - با - تاي.
 باشى اولدوزلارا دايانان،

«يات قمر خانيم،

يات

گونلريني

يير - ييرينه سات

كائنااتين قليبنده دونيالار ياتار

ايشلر بئله گتتسه

نوبت سنه ده چاتار.

«منیم بیر آدیم یئر،
 بیر آدیم یئنگی دونیادیر.
 یئر منیمدیر، من یئرین.
 باخیب یاراغیما
 گئتمه چۇخ درین!
 بیزیم عالملری یۇرور گمانلار
 سنده قیزیل، آلماس، اورانیوم دا وار.»
 آی دئدی:
 «عالملر ندیر؟»
 «- اۇخوموش ذکالی، مدریک انسانلار»
 «- انسانلار ندیر؟»
 «- منیم کۆلگه لریم.
 اۇلدورنلری ده وار،
 اۇنلری ده.
 آغلایانلاری دا وار،
 گولنلری ده.»
 «اۇ پارلاق مئداللار ندیر سیننده؟»
 «- اۇنلرین قان باھاسی!
 «- بئلیندن آسیلانلار؟
 «- قالانلارین ایئتھاسی...
 یئرین سۆزلریندن
 دۇلوخسوندو آی.
 دئدی:
 «- منی بئزیکدیردین، دنیا!
 من سوکوتو سئویرم،
 یوخوم گلیر.»
 یئنه قهقهه سی قۇیدو دونیانین

تاراق!

اۇن سىرادا يىندە پرولتىتار بايراغى

بىر كارگر

دوشدو تۇرپاغا

سىنەسى بۇياندى لالە رنگىنە.

سۇل الى يىردە

سۇلوندا بايراق

دالغالانير ھاۋادا.

- آه منىم قارداشىم

يارالاندىن؟

يۇخ،

ھلە دە داغلاردان اوجادير باشىم.

قالما قىيىمە!

بايراغى وئىرىم امانت سەنە

آل، ايرەلى، قالدیر گۇلرە.

بىر آز دا قالدیر،

اۇنسوز دا عۇمروموز بىر قالماقالدیر.

ايكىنچى بايراقدار...

باخىب غۇبىلندى سىلىندىر پاپاق

- آتش!

تاراق!

تاراق!

او دا حق يۇلوندا دوشدو تۇرپاغا.

اوچونجو بايراقدار،

دۇردونجو بايراقدار...

بو بايراق بىر داھا ياتماياجاقدیر

كارگرين سسى باتماياجاقدیر

بیر مای گونو

پلا کارتلار یئلله نیر
یئل ووردوقجا هاوادا.
اوستونده یازیلیب:
سکگیز ساعاتلیق ایش گونو،
حقوقلاری آرتیرین!
ییزده دؤزوم اولسا دا
قلیمیزده کین ده وار.
محو اولسون فہلہ لرین
قانون سؤران آغالار.
دوشدو ہمہمہ.
سرباز دستہ لری بودور قارشیدا
باشیندا سیلیندیر پاپاق:
- هامی ایشین باشینا دئییرم سیزه!
یوخسا داغ چکرم اورہ گینیزه.
- ییز حاقیمیزی ایستہ ییریک!
سیلیندیر پاپاق:
- آتش!

تاراق!

اوجالانلار

«پامیر داغین افتخارلا فتح ائدن و بو یولدا جانلارینی قوریان وئرن حسین حراستی و
عبدالحسین عزیزی نین شرفلی خاطره لرینه»

اوگوندن کی، شاعر اولوب قدم قویدوم بو عرصه یه
شعره یمدکی نه گؤز یاشی، نه مرثیه
قهرمانا اولوم اولماز،
ساچ یولماغا ندیر نیاز.
اجل ایله اولنلره عزا گرک،
حقیقته، حرّته گولنلره عزا گرک...

... پامیر داغی آجیق فضا
قهرمانلیق حماسه سین یازا - یازا
اؤنلار عرشه اوجالدیلار
اوجا صنا ندیر عزا؟!

عصرین، ایلین فصل لری،
ستارخانین نسیللری
داغ اوستونه داغ چکدیلر وطنیمین اصیل لری.
گونش یورغون،

قارداشيم، كارگر او گوندن برى،
 ماى گونو آدينلا چكىليير قۇشا.
 دونيانى جتته، دۇندرن الين،
 لايقدير سۇيله سم مين بير آلقيشا.
 بو بايرام گونونده گونش ده گلسين،
 سنييله بير يثرده ياناشى دورسون.
 باخيپ حسرت ايله كاپيتالستلر،
 اۇنونده قول كيىمى بۇينونو بورسون.
 بوگون قدرتينه اينانمايانلار،
 صاباح هنرينه باش آگه جكدير.
 سنين دوشمنلره غالبيتين،
 حياتا عشقيندير، بير ده امكدير.
 كارگر، بايرامين اۇلسون مبارك،
 گله جك گونلرين اوغورلو اۇلسون.
 آلئيندان توكولن تر دامجيسيندان،
 ايران گۇيلرينده شفق دۇغولسون.

دۇنون گىرى، دۇنون گىرى.

مقصدىنىز منە بللى،
سەل سايديز بو محلى،
چۇخ چتىندىر بونون خلى
دۇنون گىرى، دۇنون گىرى

۱۲۳

ايگيدلريم داغين ضرب الاجليندن -
تنگه گليب اۇنون مغرور عمليندن -
سسلنديلر؛

پامير داغى سيلكه لندى تمليندن:

«- آھى پامير، ندير بو راز؟

لۇوغالانما، دايان بير آزا

دوست آراسى بىلە اۇلماز

يۇل وئر ييزە، يول وئر ييزە.

اوستادىمىز حراستى،

اۇندان آلدىق فراستى،

آلما ييزدن بو فرصتى .

يول وئر ييزە، يول وئر ييزە،

دۇنوم يۇخدور، كلام قيسا

بايراغىمىز سانجىلماسا.

ييز گليرىك باتما ياسا،

يۇل وئر ييزە، يول وئر ييزە.

ياراقلاندى، قاتارلاندى قارتاللاريم،

يوك چكىلدى كوركلىرە تارىم - تارىم.

آسماندا يوخدور خلاف؛
 اتكلرده هاوا آيدىن، طبيعت صاف.
 قايا لاردا اوچ عنادلى قارتال سوزور.
 قانادلارى قايىم - قيوراق سرحال سوزور
 اوجالارا اوجالديقجا كولك سسى،
 هر بير داغين كله سينده آغ شلمه سى،

پامير ياتيپ پريشان حال
 يوخوسوندا ان اوياندى كال
 - آهاي كيمن؟
 اوز حديندن آشان كيمدير؟
 قوروغومو پوزان كيمدير؟
 من بير داغام هيما لىانين قان قارداشى،
 توفانما دوزه بيلمز هر بير ناشى.
 هر داشيمين مين خنجري، مين نيزه سى،
 هر دره مدن نعره چكي ر اؤلوم سسى،
 هر يشته نه يار اؤلسايدىم لاغ اؤلمازدىم؟
 پامير اولوب قوش قونمايان داغ اؤلمازدىم.

آختارمايين منده كرم،
 نه قايىم وار، نه پنجرم،
 ديز چؤكر سيز بيرم - بيرم،
 دؤنون گئرى، دؤنون گئرى.

من بير داغام، من پاميرم،
 طيليسيمدير هر بير دره م،
 جان آلماغا تكم، بيرم،

نقايىنى آچدى گونش، چكدى هاراي
دندى: - كيمدير منه ياخين سيزدن سواي،
تۇي توتموشام بو وصلته سئوينجىمدن اسه - اسه،
تئل وورموشام قمرخانيم قدم قۇيسون بو مجلسه...

فاتحلرين بو دمينده
ايگيدلرين گۇركمينده -
جانلانيردى قۇجا داغين عظمتى
آلكيش دئيير دوستلارينا «حراستى»
نفس آخير دوداقلاردان دوداقلارا،
عصيان گئدير گۇيده، بير ده حۇكمه، دارا.
مشعل يانير، تۇي - دويوندور هر جيغيردا،
بوز تپه لر، يانيق چۇللر چال - چاغيردا،
قۇل - بويوندور ظفر طبلين ووران قۇللار،
هاراي چكير، ييزيك غالب، مرد اوغوللار.
پامير يانير، پامير چيخيپ اۇز طبعيندن،
بايراق اسير كولكلرين غضبيندن.

«حراستى» خزريم تك لپه لندى،
«عزيزى» نين گۇزلريندن نور الندى.
گور سسلرى وطنيمين داغلارينا سپه لندى:
«داغ قۇيوندان قارتال قوشام،
چونكى آزاد يارانميشام،
آرينميشام، دارانميشام
طبيعتين داراغيندا.

پامير منيم آلتيمدادير،

ھاوا توتغون، چىسىگىن دومان، يۇللار اوزون،
 نفس دۇنور قامچىسىندان قارىن، بوزون.
 اۇنلار اوچور سۇن زىروەيە، هجومدادير،
 يىرى دئير: پامير منيم اۇجومدادير،
 يىرى دئير - اوستادىما منم بنده،
 يىر كمندله مين زىروەنى سالار بنده.

يۇللار يارى،
 قايالاردا گئدير ياريش،
 كاروان قالخير آددىملارى قاريش - قاريش
 قاشلار قىروو، ساچلار بنده بوز سالخىمى،
 هر آددىمدا سۇن زىروەيە باخير هامى.
 - آه، چاتمىشيق،

«حراستى» غرەلندى.
 كولك دۇيموش گۇزلرىندن نور الندى...
 پامير گولور توفانلار ين كۇتە گىندە،
 قارلى باشى اولدوزلار ين اته گىندە.
 بولودلار دا سجدە قىلير،
 گاه آچىلير، گاه قىور يلىر.

قارتاللاريم سۇن هجومدا، سۇن يوروشده،
 سعادتدير غالىيت هر دۇيوشده.
 داغ دارالير باش يوخارى اوجالدىقجا،
 گۇزلر گولور چال پاپاقدان باج آلدىقجا.
 بودور پامير مات اولموشدور بو سنگرده
 محو اولوردو بولودلار دا پرده - پرده.

«حراستی» چكدى ھارای:

- آمان فلک من نه سایدین، من نه سایدیم.

جان «عزیزی» کاش یثرینه من اولایدیم.

یثرده انسان، اوجالاردا قارتال منم

زیره لره بایراق ووران درحال منم

بوتون داغلار تانیر کیمدیر «حراستی»

من اونلاردان قازانمیشام بو خصلتی.

- گلدیم دئدی، دره لره باخدی یثنه

سال بوزلارین سینه سیندن ائنه - ائنه

دئیر: دوستون آتان دئیل «حراستی»

اجدادیمدان قازانمیشام بو خصلتی

ذهنیندن مین خیال کئچیر، اوبی قرار،

آیاقلاری بوز اوستونده توتمور قرار.

قورونماقچین گاه بیغیلیر، گاه آچیلیر،

اوزاقدایر قارالتیدان اوره گینه نور ساچیلیر.

فقط داغدا کولکلردیر اوغولداشان،

«عزیزی» دن نه بیر خبر نه بیر نشان.

او چوخ گزدی دره - دره،

نظیرتی جلب ائله دی بیر منظره:

- او بوز قایباشینداکی گۆرن کیمدیر؟

- یوخسا منیم قان قارداشیم «عزیزی» مدیر؟

گۆزلرینه گومان گلدی،

دیزلرینه توان گلدی.

نه بیر شاختا - سازاق آندی،

هئچ بیلمدی نه زاماندی.

گۆردو دوروب عزیزین باشی اوسته،

گۈيون يىتدى قايتىنداير،
هنر انسان ذاتىنداير،
كۈنلۈم داغلار سۇراغىندا.

داغلار داغى چىگىنىمدەدير،
زر كۈينەيى آيتىمدەدير،
مىن بىر دىلك بىنىنىمدەدير،
صاباحىمىن سۇراغىندا.

بىر آيىدە ياراتمىشام داشى مرمر،
باغچاسىندا گۈللرى تر.

سالاجاغام ساوالانىن دىك باشىندا،
حياتىمىن، اۋز عۇمرومون بو ياشىندا،
ديوارىندا يۇناجاغام پامىر داغىن
زىرەسىندە فاتحلىرىن آل بايراغىن»

وداعلاشىپ، اونلار ائىتىر نارىن - نارىن،
غالب چىخان عەھدەسىندىن بىر ايلقارىن.
بوز قندىللىر حصار چكىپ، يۇللار اوزون،
كۈلك چىرىپىر گۈزلىرىنە قارىن تۈزۈن.
توفان چالير، قار اۋىنايىر، ھاوا قورشون
آلماقدادىر داغچىلارىن عقلين، ھوشون
داغارچىق بوش،

قارىنلار آج،
شپە گلىر باشىندا تاج.
«عزىزى»نى جايناغىندا چالدى بهمن
بىر سس گلىدى درەلىرىن اتيىندىن

ساحيليم منيم

۱۲۹

اى كۈنۈل مولكونە نور ساچان قىزىم،
سحرىم، سئۈنچىم، سئۈيلىم منيم.
سنىسىز بىر گمىيىدىم غم دىزىندە،
سنى اۋلادون، گۈرۈندۈ ساحيليم منيم.

باھار كۈلە گىتىن تۈتۈب اليندىن
بۇى آت، اوجال، دۈنمە اۋز تىلىندىن.
بىر چىلىك ھۈرەرم سىنىن تىلىندىن،
بىرەرم گۈنشى، سئۈگىلىم منيم.

غۇمور باغچاسىندىن بىر لالە دردىم،
اوغرىندا ھەر دردە سىنەمى گىردىم،
بىر قارداش قازانسام سىنە، نە دردىم،
بىر اۋلوب ازلىدىن نىسگىلىم منيم.

بۈگۈن بىر غىنچە سىن صاباخ بىر مىلك،
اوخشاسىن روحنو آسن ھەر كۈلك،
سىنى آت بىلىندە گۈرۈسم ھىجر تىك.
دۈيەرم بار وئىرىپ حاصلیم منیم.
اىللىر وجدە گىلىر آدىندىن سىنىن،
دۈيىمارام آدىنىن دادىندىن سىنىن،
سىن آذر قىزىسان اۋدوندان سىنىن،
گۈر نىچە نورلانىپ مىزىلىم منيم.

قىرۇو قۇنوب يارالانمىش قاشى اوسته.
اي اوخوجوم، يو صحنهنى سىز دئىين، سىزا
نتجه يازىم؟ طبعيم يۇرغون، قلم عاجز.

«مسعود» داغدا باتيب قارا،
آدديملايير شپه لرى يارا - يارا.
هله اۇنا آيدىن دئىيل بو ماجرا.
گلدی بهمن اوچان يثره
بيلدی ندير بو منظره.
جيگريندن چكدی بير آه،
دئدى: يانديم آمان آلايه
او سسلندى:

جانيم داغلار.
غربت ائلده غرب آغلار.
دوستلاريمى قايتار منه،
اوزو قارا نتجه دۇنوم من وطنه؟!

بير سس گلدی،
سۇز دئمگه ديليم گلدير
باخ دره يه، ياسا باتيب قوجا پامير.
اۇ جان آتدى دره لره، دايانمادی،
قايلاردا گۇردوگونه ايتانمادی،
«حراستی» سال بوزلارين آياغيندا،
«عزيزی» ده قوجاغيندا.
هرايکيسي ابدیت سۇراغيندا.
سانكى اۇنلار سالام دئير دوز ايلقارا،
هئیکل کیمی ميخلانييلار قايلارا.

- حىيرانام، قالمىشيق سۆز

دارليغيندا.

ئىچىن نە وقتا جان داش اولوب قالاق؟

كۆهنە شعرىمىزىن

مزارليغيندا.

دئدويم:

- بىر ائلين، بىر يوردون اۆز دۇرانيندا،

بولاغى اولماسا

كوزەسى اولماز.

صنعتكار اليه يوغرولان شعرين،

ايتان كى، كۆهنەسى، تزهسى اولماز.

فضولى شعرىنين سحرى بىر عالم،

من اونون سحرىنى ئىجە آنمايىم.

ايندى او عالمى

كۆهنەلىك سانان،

بىر شاعر سۆزونه ئىجە يانمايىم.

هله ده، صابرين، نسيمى نين ده،

روحونو آلماغا خوف ائدير آجل.

دونيايا سيغمايان

اوانسانلارى،

كىچىك بىر مزارا سيغىنديرما گل.

دومانلى فيكىرلر

دولانير بعضاً

قۇشمالار كۆهنەلىك،

«شعرنو» تزه.

كۆهنەلىك نامينه؛ بو دوزگون دئىيل،

شعيرده تزه ليك و كهنه ليك

شعر مجلسينده مغرور داياندى،

گۈيلرى يثرلره

تۇخودو شاعر

خياليندا اۋتگم سربست شعرينى،

فخريله حضارا اۇخودو شاعر.

«قدملريم چيگنيمده

بارماقلاريمين بىك لرينده

پنجره نى گميريرديم

كوچه ده چاققال اولاييردى»

آلنلار قيريشدى، قاشلار چاتيلدى،

هر شاعر ذهنيه

قۇندو تعجب.

دۇدلىر، بو شعرين سيررين آچ ييزه،

يۇخسا شعير طبعين باشيندان كۇچوب.

شاعر لۇ غالاندى: ديللندى بيردن،

آلدا تىمادىنىمى؟

هرگون مين ناز ايله چىخىب قارشىما،
سئويب - سئويلمگه جان آتما دىنىمى؟
عشقين نه اولدوغون بيلمزدى كؤنلوم،
اؤزون بو سئودانى اؤياتما دىنىمى؟

عشقين شراره سى چاخذى گؤزوندىن،
دئديم، اى فیتنه کار! چىخما اؤزوندىن.
گوللو ياشماغىنى آچىب اوزوندىن،
گؤز آتیب، قاشىنى اؤياتما دىنىمى؟

قلىمى ايسته دىن، وئردىم، باش اوسته،
قۇندوگولوشلرين بير جوت قاش اوسته،
سیندیردىن عهدىنى، چالدىن داش اوسته،
وئردىگىن ايلقارى اونوتما دىنىمى؟

دىنله گؤيرچىنىم، گل منى، دىنله،
عشقىمىن داستانى اؤتوب سىنىله،
بیرگون پنجره نى آچىب اىنله،
منه بير دسته گول سن آتما دىنىمى؟

دئديم، هاردا قالدى شيرين دىللرين،
دئدىن: فاصله وار دريادان درين.
دئديم: كۆرپو اولسون قارا تئللرين،
يۇخ دئىيب ترلانى آلدا تىمادىنىمى؟

قۇشمانى گۇندىرگ گۇندىر - گىلمزە.

دونىكى شىرىنە گونىمە سىن، سىن،
بوگونكو شىرىندىن قىلىمىن كوسىر.
درەدىن زىرۈپە بە باخان گۇزلىرىن،
قارالار دىقتىرىن

لوت حىريان گىزر.

تەزەلىك كۇھنەدىن دۇغولان كىمى،

«شىرىنو» دونىايا گىلىب، خۇش گىلىب.

دۇغولان كورپە بە

ائىلە جان وئىرەك،

دەمەسىن دونىايا الى بۇش گىلىب.

باياتى، گىرايلى، آتالار سۆزۈ،

عنوانىم، پاسپورتوم، اۋز كامىم مىنىم.

دونىدىن گۇچ آلام،

بوگوندىن اومىد،

باخ بودور شىرىمدە الهامىم مىنىم.

بىر اسىملە بوداغىنى ائىدىم تارومار.
ھاردا قالدى، منە ميدان دئىن گونلرىن،
مزارىنى من قازمىشام درىندن - درىن.

ياشىل دۇنو دالغا - دالغا قىورىلان چىنار
نەرە چەكدى، نەرە سىندىن سارسىلدى عالم.
يارپاقلارى پەرەن - پەرەن سۇورولان چىنار،
دئدى: - شەرىن خىلىتىدىن دۇلموش پىالم.

ائىشىت! توفان، سەن اسمەكەدە اۇلسان دا اۆتكەم
مەن چىنارام، انام تورپاق، جەھاندىر اۆلكەم

عەبث شىيدىر بۇ روزگارەن، بىللە اسمەگەن
اسمەگەنلە وارلىغىما كەندە آتماغەن
عادەتەندىر ياشىللىغى آسىب، كەسمەگەن
انسانلارەن نەسەتە زەھەر قاتماغەن

قوزغون كىمى جۇولانگاھەن آسماندى يىل
يۇخا چىخىب ال - آياغەن يەرە بند اۇلا
قانادىنا گۇونەن دە، بۇ مەكەن دىيىل
داغ نەفسلى چىنارلارا خەداوند اۇلا.

مەن چىنارام، يارىم تورپاق، وارىم دا تورپاق،
شەرگۇزەنە سانجىلاندا ياشىل دونومدور.
بىللە توفان، بىللە روزگار، بىللە اۇيونجاق،
چوخ گۇرموشەم، نە اۆلىم، نە دە سونومدور.

چينار و توفان

يول قيراغى، ياشيل چمن، مغرور بير چينار
 كولك اسير، ياخاسينى، ييرتير بوداقلار.
 يارباقلار دا يئر سوپورور، ساچين يولمادا،
 چمن كوسوب، بو دهشته حثيراندير او دا.
 قوشلار سوسوب، كاروان ياتيپ، اوتن جيغيردا،
 روزگار يننه رقصه گليب، بو چال - چاغيردا.
 شاهه قالخيپ دويوشده دير، توفان، چينارلا،
 ياريشدادير خثير - شرله، دوران چينارلا.
 شمشك چاخدى شاخه لندى هي ساچاق - ساچاق،
 خان چينارين بدنندن قويدو بير بوداق.
 يارباقلارى طالعيندن آسيلي قالدى،
 عومرو كؤنول دفترينده يازيلى قالدى.
 قانلى بوداق هاراي چكير، يارباقلار حزين،
 ياسلى چينار اوز باغريتا باسيپ كؤرپه سين.
 توفان گولدو، صفلر ييخان سركرده لر تك،
 دئدى: - منم، آديم توفان، قاناديم كولك.

ايندى سؤيله نه حالدا سان؟ دانيش اي چينار،

انقلابين ساچلارينا دن دوشر،
بیر وحدتين اله گينده انقلاب.

اثلر گلین انقلابی درک ائدک،
آیریلیغی، دار گؤزلوگو ترک ائدک،
دوشمن گلن قاپیلاری برکيدک،
بوغولماسین بله گينده انقلاب.

قوی سسیمیز دونیالاری دؤلانسین،
اللریمیز ال اوستونه قالانسین،
ماهنی کیمی اورکلره جالانسین،
خان چوبانین توته گينده انقلاب.

ترلان اوچان فضالاردا سار اولماز،
غم اولماسا، سئوینج بیزه یار اولماز،
آذریلر های دئمه سه کار اولماز،
آنا یوردون اته گينده انقلاب.

انقلابی درک الدک

بوائللرین قدرتیندن دۇغولدو،
توفانلارین کوله گینده انقلاب.
یو زمین شهید قان گۇلوندە بۇغولدو،
حسرت ایله اورە گینده انقلاب.

شهید دئییر:

چکینمدیم قانیمدان،
اوف دئمدم، گولله کئچدی جانیمدان،
آما ایندی دوشمن اۇتور یانیمدان
قالیب شاهلار کله گینده انقلاب.

انقلابی قازانمیشیق چوخ باها،
باش آگمه یک هر سلطانا، هر شاه،
کئچن گونلر قاییتما سین بیر داها،
آتا یوردون اته گینده انقلاب.

التمه سه... بو داغلارا چن دوشر،
مبارزلر بیر - بیریندن گئن دوشر،

بیر گول اکدیم، همدم اولدو خار منه،
ترلان اولدوم میدان دئدی سار منه،
«تئز گتیرین بیر اویناقلی تار منه»

دیله گلسین کمانچایلا تار بوگون،
قوناق گلیب بو مجلسه یار بوگون.

بیله گینده پنجه سی وار عزیزین
دیله گینده غنصه سی وار عزیزین
باکیسی وار، گنجه سی وار عزیزین
تبریین وار، سارابین وار سنین ده
چالینما میس مین نغمه وار سیننده

هابيل تهراند

آذربايجانين گوركملی كامانچا اوستاسی هاييله

عۇمور كۆرپو... يىنئۇرەسى وىطندىر،
انسان گلىب بو كۆرپودن اۇتندىر،
من يىلمىرم اۇللىرىن نندىر،
ناله قۇپور توخوناندا تىللره،
وجدە گلير حئيرتىندن داغ، درە.

سن نغمە سن، سن ماھنىسان... آوازين
قۇى جالانسىن نغمە سىنە آرازين
قۇى گول آچسىن آرزولارىن، نيازىن
سن سازىنلا، من شەرىملە يىنە يىز
سىنە مىزدە بىر دۇيونسون قلىمىز.

ھر بىر گولون اۋز عطرى وار، مثل دىر،
ھر گۈزلە، گۈزل دىمك گۈزلىدىر،
باغىم، باغچام، يىرىم، گۈيوم خزلىدىر،
چال قارداشىم، غم داغىلىسن چال يىنە،
وجدە گلسىن بو مجلسدە حال يىنە.

- ايران اولوب ايکينجى ييزه فيدئل کاسترو.
بلى، جناب پرئزيدنت!
ييليرسن اوز دۇندريب آمريکادان روزيگار،
هله ندير، آرخادا گۇرملی گونلرين وار.
دونن فيدئل کاسترو سۇيوندو غم لباسين،
بوگون ده ايران چالير سيزه اؤز سيمفونياسين.
گونده بير اولدوز سۇنور
اؤ قانلی بايراغيندان،

نفرتله دامغالانميش

توفانلی بايراغيندان،
ياغسا دا دونياميزا فتنه لر آغ سارايدان،
ملتlerin ظفرمند حۇکمون يازيب بو دۇوران.
حماسه لر نسليدير، بو عصرين انسانلارى،
قانلی يوللاردان کشچير گونشئين کاروانلارى.
پارچالانير جلالدين قان چاناغى باشيندا،
غم غبارى آگله شير آغ ساراين قاشيندا.
من ده انقلاب دئيّه غره لنديم اوچ ايلدير،
دئديم: - ذلت، اسارت انسانليغى کيچيلدير.
ايندى شاهسيز وارليغا پنجره مى آچميشام،
صباحکى دۇرانلارا، يوردوما نور ساچميشام.

پرنزىدئنت اجلاسدا

ياري گنجە، آمريکا، آسماندا سوزور آي،
جانلانير ۋزلىمده واشينقتوندا آغ ساراي.
بورا عالي قرارگاه
سالونلار طمطراقلى،
ديوارلار بر - بزه كلى
تاوانلار طمطراقلى.
«سيا» دان، پشتاقونندان ژنراللار دا بوردا،
پرنزىدئنتين اۋونونده دا يانميشلار حضوردا.
هې آچىليب، اۋرتولور قاييلارى دال - بادال
اورك لرده اضطراب، گۈزلىنده باشقا حال
فيكىرلىرى دومانلى،
خياللارى پریشان،
قولاقلارىندا سرسام، اوغولتودان مين نشان.
كىندن دۇغان، قاشلارين اوستوندىكى قيريشلار،
دونياميزين طالعين حل ائتمگه ياريش وار
ازل گوندن سارايدا
يارانميشدير بو قايدا.
بحث اوزانير، پرنزىدئنت باش آپارير دئير او:

عصرين كوروشوندا، داراسيندادير.

انقلاب رنگينه بوروندو وطن،
رسوايلىق طبلىنى چالدى اهرىمن،
اؤگوندىن كى، سسين قويدو سينندن،
فرعونلار گؤزونون قاراسيندادير.

انجمن سۇنالار قۇنويدور گۆله،
شيرين نغمه لرین دوشويدور ديله،
دئديم، عظمتين هاردادير - بئله،
دئدين، شهيدلرين ياراسيندادير.

سن يوزه ساريانسان، ييز ده كاروانين،
كيچيك گوشه سى سن آذربايجانين،
هركيم سۇراغ آلسا دئيين ترلانىن،
چريپنان قلىبين آراسيندادير.

نشئه وار سازيمين زير - بمينده
دوشمنلر آگله شيب اؤنون غمينده،
بونوزلو ديولرى ياتيپ كمينده،
انقلاب توفانلار درياسيندادير.

آذربايجان انجمنينه

اى كۈنول فخر ائله، بيزيم انجمن،
گونش كاورانى نين سيراسيندادير.
دۈستلارين مقامى، اۇنلارين يثرى،
قاشيملا گۈزومون آراسيندادير.

گلین آلقیش ائدک بو علویتی
خالقا تقدیم ائدک شعری، صنعتی
بیزیم انجمنین ظفر حکمتی
اۇنون وحدتینده، شوراسيندادير

بابام فلک دۇيىب بير داخما ياپدى،
هdfسيز آتيني چۇللرده چاپدى،
بختيني حافظين فاليندا تاپدى،
بيلمدى دونيانين هاراسيندادير.

انسان هي سوروندو، اۇتدو اوچ مين ايل،
نهایت دونيا يagliدی بير نسيل،
دئدى: - بو جهالت فلکدن دئيل،

قوزولاريم

اوشاقلار اوچون

۱۴۴

گلين الوان قوزولاريم
منيم جيران قوزولاريم

آناز ايندى چۇلدىن گلر،
بالام هانى؟ - دئيب مهلر،
آهى - فغانى يوكسهلر،
گلين، آمان قوزولاريم!
منيم جيران قوزولاريم.

بۇى آتارسيز آيدان، ايله،
دۇلانسيز چۇلدىن - چۇله،
آتيليب دوشمه يين بئله،
سيزه حثيران قوزولاريم،
منيم جيران قوزولاريم.

چۇللهر يميز تالا - تالا،
باهار يئيشير آز قالا،
ييريز قارا، ييريز آلا،
سيزه قوربان قوزولاريم،
منيم جيران قوزولاريم.

compiled by:

Hashem Tarlan

Always in way

Graphic Design Center
www.RAHAS.com

Designed by: Shervin Pashale feet, Arash Behdjou

shervin@yahoo.com

www.ShervinART.com

Printed by: minabooks

www.minabooks.com

ISBN: 964-8475-27-2

Price: 15000 Rls

Copyright © 2004 MinaBooks. All rights reserved.

شابک: ۹۶۴-۸۴۷۵-۲۷-۲



MinaBooks

قیمت: ۱۵۰ تومان

! حق طرح و چاپ برای ناشر محفوظ می باشد